



چہوا پیٹھمبہری (سلاقیں خودی ل سہر بن) سہرہدہری کریہ  
دگہل (زاروکان، گہنجان، ژنان، ہہفالان، دانعہمران)

نامادہ کرن  
عصمت حسین ریکانی

وہر گیران  
محمد صالح حجاجی

پهرتوڪ: چهوا پيڻه مبهري (سلائين خودي ل سر بن) سهره دهري  
 كريه دگهل (زاروكان، گه نجان، ژنان، هه فالان، دانعه مران)  
 ناماده كرن: عصمت حسيڻ ريڪاني  
 وهرگيـران: محمد صالح حجي  
 راستفه كرن: محمدهد عيسا هروري  
 بهرگ: نه حمدهد بيري  
 ژمارا سپاردني: (2540) سالا 2011  
 چاپخانه: هاوار - دهوك  
 تيـراژ: (1000) دانه  
 چاپا دووي: 2011

## دەسپىك

ھەمى جامىرى و باشى و كارچاكى يىت د كەساتيا پيغەمبەرىدا  
ﷺ كۆم بووين، كو چاقلايىكرىي باشيىيە ب رازىبوونا خودى بۆ  
مرۆفان، تامايا باشيى ئەوۋە يا وى ب جھ ئىناى و خىر و قەنجى يا  
د دەرۋونى ويدا ھاتىيە چاندن، و ل سەر دەستى وى رۆناھى يا  
بەلاڧ بووى و موسلمانەتى وەكى رۆژى يا بۆ ھەمى مرۆفان  
گەھاندى، و خودى مەزن مرۆفاتى يا ب وى قورتال كرى، و ژ  
پەرستنا مرۆفان دەرئىخستى بۆ پەرستنا خودى مرۆفان، و ژ  
بەرتەنگيا دىنايى بۆ بەرفرەھيا دىنا و ئاخەرەتى، و ژ زۆرداريا  
زۆردار و گاۋران بۆ دادپەرۋەريا ئىسلامى.

و ژبەر ھندى ژياننامەيا وى جۋانترىن ژياننامە بوو، و پەسن و  
رەۋشتىت وى ل بلندترىن ئاستن، و ژيانا وى ژ ژيانا ھەمى كەسان  
جۋانتر و ۋەفادارتر و تەڧگرتەرە.

بەلى دىرۇكا مرۆفاتىي ل سەر رويى عەردى نە مەزنەك ژ مەزنان  
و نە سەرگەردەك ژ سەرگەردىان و نە چاكسازەك ژ چاكسازان  
رەۋشت و تايىبەتمەندىيىت عەقلى و دەرۋونى و خۆيەتى و رەۋشتى  
و دىنى و گيانى و جفاكى و رېڧقەبەرى و لەشكەرى و پەرۋەردەيى  
د كەساتيا ويدا كۆم نەبووينە، وەكى د كەساتيا مەمەد  
پيغەمبەرىدا ﷺ پەيدا بووين، و خودى مەزن ئەڧ تايىبەتىيە  
ھەمى د كەساتيا ويدا تمام كرن و گەشى و رۆناھيى ھەمى بياڧيىت  
ژيانا وى رۆن كرن. ھەتا ھەژى ھندى بيت خودى مەزن د قورئانا

پیرۆزدا به حسی وی ب رۆناهی دیار دکهت: ﴿قَدْ جَاءَكُمْ رَسُولُنَا يُبَيِّنُ لَكُمْ كَثِيرًا مِمَّا كُنْتُمْ تُخْفُونَ مِنَ الْكِتَابِ وَيَعْفُو عَنْ كَثِيرٍ قَدْ جَاءَكُمْ مِنَ اللَّهِ نُورٌ وَكِتَابٌ مُبِينٌ﴾ (المائدة: 15)، ئانکو: ب سویند ژ دمه خودایی هه وه رۆناهییهك ﴿كو پیغه مبه ره﴾ و کتیبه کا ئاشکه راکهر ﴿کو قورئانه﴾ بۆ هه وه هات.

و ئه فه نه یا سهیره، چونکی خودی مهزن بۆ هه می مروفان یی هنارتی، چافلیکریهکی باش بۆ وان، و دلوفانی بۆ هه می جیهانی، و ئه وه به حسی خو دکهت دبیریت: (إنما بعثت لاتمم مکارم الاخلاق) الموطأ، ئانکو: ئه ز یی هاتیمه هنارتن دا رهوشتی باش تمام کهم - ب کارئینان و به لافکرن ..

پیغه مبه ری خودی ﷺ هه ر ژ دهمی خودی مهزن وه حی بۆ هنارتی و بوویه پیغه مبه ره، ژيانا وی وینهیهکی راسته قینه یی وی دینی بوو یی ژ نک خودی بۆ هاتی.

عائیشایی وه سفه کا گه له کا جوان یا بۆ پیغه مبه ره کری دهمی پسیار ژئی هاتییه کرن، گووت: (كان خلقه القرآن) ئانکو: رهوشتی وی قورئان بوو، پیگری ب قورئانی دکر، کار ب فه رمانییت وی دکر، ل دویف رۆناهییا وی دچۆ، ل دویماهییا وی رادوهستییا داخوازا خه لکی دکر بۆ رۆناهییا قورئانی، شریعه تی قورئانی دکره دادوهر، و ژبه ره هندی خودی مهزن دبیریت: ﴿لَقَدْ كَانَ لَكُمْ فِي رَسُولِ اللَّهِ أُسْوَةٌ حَسَنَةٌ لِمَن كَانَ يَرْجُو اللَّهَ وَالْيَوْمَ الْآخِرَ وَذَكَرَ اللَّهَ كَثِيرًا﴾ (الأحزاب: 21)، ئانکو: ب سویند پیغه مبه ری خودی بۆ هه وه

باشترین نموونه بوو چاف لى بېته کرن، بو وی یی ژ خودی و روژا  
قیامه تی بترسیت و گه لهك زکری خودی بکهت.

ئهو چافلیکریه بو ههمی خیر و باشیا د ناف خه لکیدا و سه رده دریا  
وی دگهل ههمی ته خه و چینیت جفاکی، ژ گه نجان و ژنان و پیران  
و زاروگان.

هر بانگه وازیه کا خودان و داخواز که ریٹ وی چافلیکرییت باشی  
نه بن د کریار و رهوشت و هه لویستیت ژيانا خوډا، ئهو بانگه وازی  
ب سهر ناکه فیت و به لاف نابیت.

پیغه مبه ری خودی ﷺ بلندترین نموونى خیری و باشی و  
رهوشتان بوو، خودی مه زن وه سا یی چیکری و په رو درده کری و یی  
به ره هف کری دا نامه یا وی هه لگريت و بگه هینیته مرو فان و به ری  
وان بده ته په رستنا خودی: ﴿وَإِنَّكَ لَتَهْدِي إِلَى صِرَاطٍ مُسْتَقِيمٍ﴾  
(الشوری: 52)، ئانکو: ، و ب راستی تو خه لکی بو ریکا راست  
راسته ری دکه ی.

## سەرەدەريا پېغەمبەرى ﷺ دگەل زارۇكان

رەوشا ژيانا دنيایى و ئاميرە و بەرھەفییٹ پاشەرۇژى، گەنجیٹ موسلمانن ئەویتی د گوهداريا خودی خۇدا دەھینە پەرورەدەگرن، د مەیدانیٹ باشیاندا مەملانئ دكەن، ئەون ژيانەكا تەنا و سەرفەراز د دنياییدا دبوړینن و ل ئاخړەتی ب خوشییٹ بەحەشتی شاد دبن. و ل رۇژا دویماهیى دى خودی وان بەتە بەر سيبەرا خو، ئەو رۇژا چو سيبەر نەى ژبلى سيبەرا وی.. هەرودەکی د فەرمودەدیا پیرۇزدا هاتی: (سبعة يظلهم الله في ظله يوم لا ظل الا ظله)، ئانکو: (حەفت جوين ییٹ هەیت خودی دى وان کەتە د بن سيبەرا خوڤە رۇژا چو سيبەر نەى ژ بلى سيبەرا وی) ئیک ژ وان گەنجە: (شاب نشأ في طاعة الله) ئانکو: گەنجەکە یى د گوهدارى و بەرفەرمانیا خودیدا هاتیە پەرورەدەگرن. ئەگەر ئوممەتا ئیسلامی بقیٹ گەنجیٹ وی د چاک بن و دلى وی ب چاکیا وان خوښ ببیت، دفیٹ پویته و گرنگی بدەتە پەرورەدەگرن وان، و خو ب چەکی ئیمانی ب هیژ یبخیٹ و ب تەقوایی بپاریزیت، و بەری وان بدەتە رژدی و هیژا زانستی و کاریٹ باش. پویته پیکرنا ب گەنجان، ریکا چاکا و قەنجیخوازایە. ملەت خراب و پویچ نابن هەتا گەنجیٹ وان خراب و پویچ نەبن.. دژمن نەشیٹ کارتیکرنئ بگەهینینە ملەتەکی، هەتا کارتیکرنئ ل گەنج و سنیلەییٹ وان نەکەت.

گەنج د ژيانا خۇدا د چەند قۇناغانرا دبوړیت، و هەر قۇناغەك گرنگترە ژ یا دی، و یا ژ هەمیان گرنگتر قۇناغا زارۇکینیییە، کو

زارۆك د قۇناغیدا پسیارا هەمی تستان دکەت دا هەمی تستان د  
 ژيانا خۇدا بزانی، ییّت باش و ییّت خراب و هەر تشتی بۆ بیته  
 گۆتن دئ وەرگریت، هەر وهکی پیغه مبهەر ﷺ دبیژیت: (کل مولود  
 یولد علی الفطرة، فأبواه یهودانه أو ی نصرانه أو یمجسانه)، ئانکو:  
 هەمی زارۆك ل سەر خۆرسکیی (الفطرة) دبن، و پشتی هینگى  
 دهیبابیّت وی، وی دکەنه جوھی ئان فەله ئان ئاگریپرئیس. ژبەر  
 هندى قۇناغا زارۆکینیى مەترسیترین قۇناغه، و چاکیت بەرى  
 گەلەك پویته ددا عەيالّ خو ھیژ د بچویك، و ل سەر خیړى و  
 باشیى پەرودەدەگرن، و ژ خرابیا ددانە پاش، و مامۆستا و  
 پەرودەدکاریت باش و ب تەقوا بۆ دگرتن. و محەمەد پیغه مبهەر  
 ﷺ باشتیریى هەمی مروّفایه هەر ژ ئادەمی هەتا نوکە و ژ هەمی  
 مروّفان ب ریژ و بهاتره و چافلیکریى مەیه د هەمی کار و  
 بیافاندا، گەلەك چافى خو ددا زارۆکان و پویته ب کار و باریت وان  
 دکر، هەژیه شیرەتکەر ژى چاف ل وی بکەن، چو جاران ژ زارۆکان  
 تۆرە و کەربگری نەدبوو، ئەگەر خەلەتیەك کربا دا بیى توند و  
 تیژی نیشا دەت، و ئەگەر کارەکی باش کربا دوعا بۆ دکرن.

ئاداب و رهوشتیّت سەرەدەریا پیغه مبهەر ﷺ دگەل زارۆکان  
 زارۆکیّت مە جەگەریت مەنە ل سەر عەردى ب ریقه دچن، خودى  
 ب وان فەنجى یا ل مە کرى، دا دلّیت مە خوش بکەن و ژيانا مە  
 شاد بکەن، د سەر وان نەخۆشى و خەم و زەحمەتا ئەم ب زارۆکیّت  
 خۆقه دبەین هەر ژ ییّت سافا و هەتا مەزن دبن و دبەنە گەنج،

به‌ئى هه‌رده‌م فاکتەرى ب هيزن بو خوشى و به‌رده‌واميا ژيانى. و د  
 فى سە‌رده‌مى نوکە‌دا گە‌لە‌ک را و بوچون و خواندنگە‌هيت ژيک  
 جودا ييت دەرکە‌فتين به‌حسى سە‌رده‌ريا دە‌يبابان دکەن دگەل  
 زاروکان ل دويىف به‌ريخودان و پيشە‌ريت زانستى و دە‌روونى کو  
 دگەل پيدفى زاروکان داخوازييت جفاکى، ئە‌گەر بزفريه  
 پروگرامييت وان خواندنگە‌هان، دى بينين هە‌فپشکيه‌ک يا عە‌ى د  
 نافه‌را وان و ريپازا پيغه‌مبه‌ريدا يا به‌رى (1400) سالان  
 په‌يره‌وکرى به‌رى ئە‌و خواندنگە‌ه و هزر و فه‌کوولينيت وان ديار  
 ببن.

### پويته‌پيکرنا ئيسلامى ب زاروکينيى

ئيسلامى گرنگيه‌کا مە‌زن يا دايه زاروکينيى، گرنگيا دايه پاراستنا  
 ژيانا وى هيژ د زكى دە‌يکا خودا، و گە‌لە‌ک پويته يا دايه ژيانا وى  
 و ئە‌و يى سافا، و ئاگە‌هى ييت دايه دە‌يبابان کو سستى د  
 په‌روه‌رده‌کرنا واندا نە‌کەن، و پيغه‌مبه‌رى ﷺ ميراته‌کى مە‌زن ژ  
 هە‌لويسە‌ت و سە‌رهاتى و رويدانان ييت بو مە‌ه‌يلالين کو  
 سە‌رده‌ريا دورست دگەل زاروکان نيشا مە‌ دە‌ن، چونکى باشى و  
 خرابيان نوزانن و تى ناگە‌هن کا چ ل دە‌وروبە‌ريت وان چى دبیت.  
 يى ل فى بابە‌تى بگە‌ريت د ژيانا پيغه‌مبه‌ريدا ﷺ دى بينيت  
 خواندنگە‌ها تە‌فگەرە‌ د پروگرامييت خودا، بنە‌مايييت وى د  
 خورستينه، بنياتييت وى د موکومن د په‌روه‌رده و فيرکرنا چاکدا.



**ئىك: هاندانا زارۆكى بۇ داخوازكرنا زانىنى و تىكهليا زانايان:**

به رههقبوونا زارۆكى و گهنجى بۇ دهرس و جقاتيت زانايان،  
ريزگرتنه بۇ وى، و زيدهيى و به رفرههيه بۇ هزر و به ريخودانيت  
وى بۇ كاروباريت زيانى. به لى دفتيت دهيباب ئادابيت به رههقبوونا  
جقاتيت زانستى نيشا زارۆكىت خو بدن كا دى چاوا سهردهريى  
دگهل مه زنان كه ن و ريزى لى گرن.

ئيمامى موسلم د سه حيجا خۇدا فه دگيريت: (سه موره كورى  
جوندى گوت: ل سهر دهمى پيغه مبهري ﷺ ئەز گهنجهك بووم و  
چ ناخفتنا گوتبا من ژبه ر دكر و رى ل من نه دگرت ئەز باخقم،  
به لى هندهك زهلاميت ب عه مريشه ژ من مه زنتر هه بوون ئەز  
نه دنناخافتم).

و ژ چيروكىت هاتينه گوتن ل دۆر هاندانا پيغه مبهري ﷺ بۇ  
زارۆكان كو داخوازا زانىنى بكهن، ئيبين عه باس خودى ژى رازى  
بيت دبيتيت: عومهرى ئەز دگهل پيرهميريت به درى دبرمه ژۆر،  
هندهكان ژ وان گوتى: تو بوچى فى جه حىلى دگهل مه دئينييه  
ژۆر؟ مه ژى كوريت هندى وى ييت ههين. عومهرى گوتى ئەفه ژ  
وانه ييت من نيشا داي، گوت: روژهكى كوريت وان و ئەز ژى  
داخوازكرين و گوت: من نه ديت چو ئەگهر هه بوون بۇ داخوازكرنا  
من ژبلى دا زانينا من نيشا وان بدهت، ئينا گوته وان: هوين چ  
دبيتزن بۇ سۆره تا ﴿إِذَا جَاءَ نَصْرُ اللَّهِ وَالْفَتْحُ. وَرَأَيْتَ النَّاسَ يَدْخُلُونَ  
فِي دِينِ اللَّهِ أَفْوَاجًا. فَسَبِّحْ بِحَمْدِ رَبِّكَ وَاسْتَغْفِرْهُ إِنَّهُ كَانَ تَوَّابًا﴾  
(النصر: 1 - 3)، ئانكو: ﴿1﴾ ئەگهر سهركهفتنا خودى و فه كرنا

مهكههئى بۆ ته هات، و ب دهست تهفه هات. ﴿2﴾ و ته خهلك ديت، يى كۆم كۆم دئينه د دينى خوديدا. ﴿3﴾ فيجا هنگى خودى ژ ههمى كيئماسيان بشؤ، و شوكر خؤ بؤ دياركه، و داخوازا ليئبورينى ژى بكه، چونكى بى گۆمان نه وه يى ههر تۆبه وهرگر. هندهكان ژ وان گۆت نهفه فهرمانا خودييه دا سوپاسيا وى بكهين و داخوازا ژيبرنا گونههان ژى بكهين چونكى ئهم ييت ب سهريئخستين و فهتجا مهكههئى يا ب دهست مهفه ئيناي، و هندهكان ژ وان گۆت: ئهم نوزانين، و هندهكان ژ وان دهينهكر، ئينا گۆته من: كورئ عهباسى تو ژى وهديئى؟

من گۆتى: نهخير ئهز وهنابيژم، گۆت پا تو چ ديئى؟  
من گۆتى: ئهف سؤرته دياركرنا وهغهركرنا پيغه مبهريه ﷺ خؤ بؤ دياركر، و گۆتى فهكرنا مهكههئى نيشانا وهغهركرنا تهيه، فيجا گهلهك ته سبيحان بكهين و داخوازا ژيبرنا گونههان بكه. عومهري گۆتى ئهژى ب تنى وئ دزانم يا ته گۆتى.

يا گرنگه دان و ستاندين دگهل زارؤكى بيته كرن و رايان وى بيته وهرگرتن ژ ههر تشتى گوھ لى بووى و ديتى و ئهو تشتى وى نهزانيبيت بؤ بيته گۆتن و ل دوييف ئاستى ژيى وى و تيگههشتنا وى.

**دوو: فيركرن ب ريكا يارى و ترانا:**

و نهفه ژ وان كار و ريكانه ييت خواندتكههيته ههفچهرخ دوپات دكهين كو گهلهك ب مفاكه بؤ فيركرنا زارؤكان و ژ ههمى ريكييت دى گرنگتره و نيزيكره بؤ دهروونى وى و ئافاكرنا ميشكى وى.

و گه لهك فهرمووده ییټ پیغه مبهري ﷺ ییټ ههین ئهف ریكا  
 فیركرنی یا په سه ندری و ب كار ئینای، موسلم و بوخاری و  
 هنده کیټ دی ژ ئه نه سی فه دگیرن، گوټ: (پیغه مبهري ﷺ ژ هه می  
 مروټان ب رهوشتتر بوو و من برایهك هه بوو نافی وی ئه بو  
 عومهیر بوو، ههر دهمی پیغه مبهري ﷺ هاتبا دا بیژیټی: (یا ابا  
 عمیر ما فعل النغیر) ئانکو: ئه با عومهیر نوغهیری چ کریه و چ  
 حالی ویه؟ و نوغهیر نافی بالندهکی بوو وی ب خودان دکر و بو  
 خو یاری پی دکرن، و هندهك جارن دهمی نقیژی دهات و ئه وی  
 ل مالا مه، دا وی رائیخا مه بو دانای مالیت و داقوتیت و دا رابیته  
 نقیژی و مه د دویضرا نقیژ دکر). وانهیهكا مهزن یا د فی  
 فهرموویدا هه ی بو په رومرده کرنا زاروکان ب ریكا هاندانی و ل  
 بهر شرینکرنی کو ب ئه رکیت خو ییټ دینی رابن و پیگری پی  
 بکه ندهمی مهزن دبن و ئهرك و مافیټ خو بزنان.

**سی: ئاخفتنا ب نه رمی و ریژگرتنا هه سیټ وان و سفکرنا  
 خه میټ وان:**

یا هاتیه گوټن جارهکی پیغه مبهري ﷺ ناف بازار ی دچو و ئه بو  
 عومهیر دیت یی دکه ته گری، گوټی: تو بوچی دکه یه گری؟ گوټی  
 (نوغهیر) یی مری ئه ی پیغه مبهري خودی، پیغه مبهري ﷺ ما  
 دگهل وی بو دئاخفت و یاری دگهل دکرن هه تا کریه که نی،  
 هندهك هه فالیت پیغه مبهري د رهخرا چوټن گوټی: ته خیره ئه ی  
 پیغه مبهري خودی تو دگهل وی روینشتی؟ ئینا گوټی: نوغهیر یی  
 مری و ئه ز یی روینشتیم دا دلای دلی وی بدهم. د فی هه لویستیدا  
 دیار دبیت چه ندی نهرم و دلوفان بوو دگهل زاروکان.

**چار: خوڼيزيکړن بو زاروگان ب دیاری و بهخیشان:**

موسلم ژ نهبو هورهره یه فهدگوهریزیت، گوټ: دهمی دهسپیکي  
فیقي دگه هشت دا ئینینه نک پیغه مبهري ﷺ و دهمی ژي  
ومردگرت دا بیژیت: (اللهم بارک لنا فی ثمرنا وبارک لنا فی مدینتنا)  
پاشی دا گازی یی ژ هه میان بجویکتر کهت و دا وی فیقي دهتی. و  
رامانا دوعا وی ﷺ نهغه یه: یا خودی تو بهرکه تی بیخیه فیقی  
مه و بهرکه تی بیخیه باژیری مه.

**پنج: دره و سهخته کاری دگه زاروگان نه هیته کرن:**

عه بدولایی کوری عامری ﷺ دبیزیت: پیغه مبهري ﷺ ل مالا  
مه روینشتی بوو و دهیکا من گازی من کر و گوټ: وهره دی فی تشتی  
دومه ته، پیغه مبهري ﷺ گوټی: ته ل بهره چ بدهی؟ گوټ: قه سپا،  
گوټی نه گهر ته چو نه دابایی دا ل سهر ته ب دره و ئیته نفیسین.  
باوهریا زاروکی ب دهیبابیت وی ناهیت نه گهر دره وان دگه ل بکهن،  
ههروه سا پویته پی ناکهت و گوھی خو ژي ناده تی و نهو ژي دی  
چاقل وان کهت و دره وان کهت.

**شش: نه ده بدانا زاروکی ب نه رمی و دل پیقه بوون و دگه ل  
دیار کرنا خه له تیا وی:**

نهبو هورهره ﷺ دبیزیت: هه سهنی کوری عه لی (خودی ژ  
ههردووان رازی بیت) قه سپهک ژ قه سپیت سه ده قا کره د ده قی  
خودا، ئینا پیغه مبهري ﷺ گوټی: کخ کخ بافیژره ده ری، ما تو  
نوزانی نه م. مالا پیغه مبهري. تشتی خیری و سه ده قا ناخوین؟ ل  
فیری دیار دبیت کا چهوا ب نه رمی سه ره ده ری دگه ل نه فیی خو  
کر و گه له ک یی لی هشیار بوو کو خه له تی نه کهت و بو دیار کر کا

خەلەتیا وی چیه، و ئەو سەرەدەری مەرەم ژێ دل پێغەبوون بوو و بۆ باشیا وی بوو و نەبەرسقەکا توند و ب کەرب و کین بوو. و ل دویمایهێ خواندەفایێ خوشتقی.. زارۆکیێ مه شتل و گیاییت تەر و نازکن، ئەگەر چو ستوینا نەدەینە بەر خۆ ل سەر بگرن، دێ خوار بن. بلا ستوینیت خۆ ییت پەرەمردەیی ژ پێغەمبەرێ خۆ یی خوشتقی ﷺ وەر بگرن، ژ وێ کانیا فیانی یا زەلال و پاقر ئەوا نیشا مه دای کو پەرەمردەیا دورست ژ زارۆکینی دەست پی دکەت. ئەو تشتی زارۆک د زارۆکینیا خۆدا ل سەر رادبیت، دەمی مهزن ژی دبیت دێ دگەل مینیت و د هزرا ویدا بنهجه بیت. و گوئنا کوردی یا هەمی دبیزیت: (یا گرتی ب شیر، نابەردەت ب پیری) هەرودسا دبیزن: تو چ دچینی دێ وی هەلینی.

### ژ سەرھاتییت دایکان

دایێ بۆ زارۆکی خۆ یی بچوکی ژیانناما پێغەمبەری ﷺ دگۆت، و بۆ بەحسی دیم و سیما و رەوشتیت وی دکر، دەمی ژیی وی بوویە دەه سال، خودی کەرەم دگەل کر سەرا گۆرێ پێغەمبەری بدەت، دەمی زفریەفە گۆتە دەیکا خۆ: ئەز گەلەک حەژ پێغەمبەری دکەم خۆزی من دیتبا و ل بەحەشتی دگەلیک کۆم بباین، بەلێ من نەفیت یی ب ریه بیت، ئەز حەز دکەم یی بی ریه بیت، یا فەر بوو دایێ بەرسقەکا دورست و ب هشیاتری دابا، گۆتی: کورێ من ئەز یا پشت راستم دەمی تو دبینی دێ پتر حەژێ کەمی چ یی ب ریه بیت ئان یی بی ریه بیت، بەلێ کورکی رکا خۆ ل هندی گرت کو دقیت بی ریه ببینیت، دەیکێ گۆتی: کورێ من تو دزانی بۆچی

پيغهمبهرى ﷺ ريهيت خو بهر ددان؟ گوتى: نه. دهيكى گوت: چونكى جوهيان ريهيت خو دتراشين و سمبيل دريژ دكرن و پيغهمبهرى ﷺ دفا وهكى وان نهبيت، ئان ل نك باشتره موسلمان ژى خو وهكى جوهيان لى بكه؟ كورى وى گوت: نه، نه ب چو روهنگان نابيت ئهم خو وهكى وان لى بكهين. دان و ستاندين ب دويماهى هات و كورى وى پسيار ريه نهكرهفه.

★ دهيكهكا دى تووشى كي شهيهكى بوو، ههفالييت كورى وى ژ حيرانان وهكى كورى وى ب رهوشت و پهرومدهكرى نهبوون، كورى وى ژ وان رهوشتان بيژار بوو و حهز كر ئهو ژى وهكى ههفالييت خو بيت و ژ وان دوير نهكهفيت، دهيكهكا وى د بينشه دانا هافينيدا هندكه ههفالييت وى داخوازكرنه مال دا ياريا دگهل وى بكه و پشتى ياريا كيك و شهرهت بو دبرن و دگهل وان دروينشته خوار و بو دئاخفت و چيروك ل سهر رهوشتيت پيغهمبهرى و مفاييت پيگريا ب رهوشتان بو دگوتن، و رى ددا زاروكان ئهو ژى باخفن و پسياران بكه و بهرسفا وان ددا و چيروك بو تمام دكر، و ههر روژهكى بهحسى رهوشتهكى دكر، ههتا دويماهيا بينشه دانى ههست پى كر كو رهوشت و سهرهدريا وان يا هاتيه گوهورين.

★ دهيكهكا دى بو زاروكيت خو بهحسى رهوشتيت پيغهمبهرى ﷺ دكر و كا چهوا هزر دكر و ههمى ئاريشه چارهسهر دكرن، ههتا پشت راست بووى كو زاروكيت وى ههمى تشتيت وى بو گوتين ييت وهرگرتين، و ههر ئاريشهيهكا بو ئيك ژ وان چى ببا، دا دهيكهكا وان بيژيتى كووم ببن و پسيار ژ وان دكر كا پيغهمبهرى ﷺ ئهف رهنكه ئاريشه چهوا چارهسهر گرينه؟


## هندهك نمونه ييت دى ژ سهره دهريا پيغهمبهري




### دگهل زاروكان

نيمام نه حمه د موسنه دا خوډا ژ نه بو هورهيره ښه دگوهيزيت،  
گوټ: مه نقيژا عهيشا دگهل پيغهمبهري ﷺ دكر، دهمي دچو  
سوجدې حه سهن و حوسهين دچونه سهر پشستا وي، دهمي سهرې  
خو بلند دكر دا هيدي دهستيت خو دانيته پشت خو و وان دانيته  
عهردى، و دهمي دزفريه سوجدې دا زفرنه ښه سهر پشستا وي و ههتا  
نقيژ ب دويماهي هاتي وه دكر. پشتي نقيژي ههر نيك ژ وان دانا  
سهر چوكه كي خو، نه بو هورهيره دبيژيت: نهز چومه نك وي و  
من گوټي: نه پيغهمبهري خودي وان بزفرينه مال؟ ل وي دهمي  
بريسيكي ل عهسماني ښه دا، گوټي: ههرن بگههنه دهيكه خو،  
روناهيابريسي نه ما و جارهكا دى هاتنه ښه ژور.

بوخاري د سهحيا خوډا دبيژيت: دهيكه خالدى ﷺ گوټ: نهز  
دگهل بابي خو چومه نك پيغهمبهري ﷺ و نهزا بجويك بووم، و  
كراسه كي زهر ل بهر من بوو و پيغهمبهري ﷺ گوټه من (سنة  
سنة) ئانكو: باشه باشه. و گوټ: نهز چوم من بو خو ياري ب  
نيشانا ناف مليت پيغهمبهري دكرن، بابي من ل من هيتاند، ئينا  
پيغهمبهري ﷺ گوټ: (أبلي وأخلقي، ثم أبلي وأخلقي) و پشتي  
هينگي ژبي دهيكه خالدى گهلهك دريژ بوو.

\* دهمي دهيكه قهيسي كچا موحسنى كوره كي خو يي بجويك ئينايه  
نك پيغهمبهري خوارن نه دخوار، زاروكى ميزته ب جلكي  
پيغهمبهري ښه، داخوازا هندهك ئافي كړ و ب وي جهيدا كړ و  
نه شويشت.

★ دهیکا فهزلی  دببثريت: حوسهينى كورى عهلى ميزته د  
 كوشا پيغه مبهريدا، من گوٽى: ئهى پيغه مبهري خودى وى جلكى  
 بدهف من دا بشوم، تو ئيكى دى بكه بهر خو، ئينا گوٽ: (انما  
 ينضح من بول الذكر ويغسل من بول الأنثى) رواه الثلاثة. ئانكو:  
 جهى ميزا كورى دهيتته رهسانندن و ميزا كچى دهيتته شويشتن -  
 هندى د سافا بن و شيرى ب تنى بخون ..

پيغه مبهري  يارى دگهل زاروكان دكرن و پيش چافيت خهلكى  
 دويف وانرا دچو، ترانه دگهل دكرن و دگهل دكره كهنى. ئيمام  
 ئهمهد و ئيبين ماجه و بوخارى د (الادب المفرد) دا ژ يهعلا كورى  
 مورى  گوٽ: ئەز دگهل پيغه مبهري  دهركهفتم و ئەم  
 هاتبووينه داخوازكرن بو خوارنى، حوسهينى كورى عهلى ل سهر  
 ريكي يارى دكرن ل پيش چافيت هميان پيغه مبهري ب لهز ب  
 رهخفه چو و دهستيت خو دريژ كرن دا هه لگريت، و حوسين  
 هيرفه درهفى و هوغه درهفى و پيغه مبهري دويضا دچو و دگهل  
 دكره كهنى هه تا گرتى و دهستهكى خو هافيتته ئهرزنكا وى و  
 دهستى دى دانا سهر سهرى وى و ب بهر سينگى خوغه شدانند و  
 پاشى زفرى دگهل مه و گوٽ: (حسين بضعة مني وأنا من حسين)،  
 ئانكو: حوسهين ژ منه و ئەز ژ حوسهينيمه.

بوخارى د (الادب المفرد) دا و ته بهراني د موعجه ما خوڊا ژ ئەبو  
 هورهيرى قه دگوهيژن، گوٽ: من ب فان گوهان گوھ لى بوو و ب  
 فان چافان ديت ههردوو دهستيت حهسهنى ئان حوسهينى گرتن و  
 پيت وى ل سهر پيت پيغه مبهري بوون و ههر دگوٽى (ارقه ارقه)



ئانكو: سەرگەڭە و زارۇك زى سەر دكەفت ھەتا پيىت خو دانايىنە  
 سەر سىنگى پيىغەمبەرى، پاشى پيىغەمبەرى گوتى: (افتح فاك)  
 ئانكو: دەڧى خو ڧەكە، و ماچى كر و پاشى گوت: (اللهم أحبه فاني  
 أحبه)، ئانكو: يا خودى ھەزى بكة، ئەز ھەزى دكەم.

★ ئەڧرەمى كورى ھابىس ھاتە نك پيىغەمبەرى ﷺ، بەرى خو  
 دايى يى ب ھەسەنى كورى ەلپھە ماچى دكەت، ئەڧرەمى گوتى:  
 ھوين ب زارۇكىت خوڧە ماچى دكەن؟! پيىغەمبەرى گوتى: بەلى،  
 ئەڧرەمى گوتى: من دەھ كورىت ھەين ھيىر من ئيك ب تنى زى  
 ماچى نەكرىە، پيىغەمبەرى گوتى: (مَنْ لَا يَرْحَمَ لَا يَرْحَمُ) متفق  
 عليه، ئانكو: يى دلۇڧانىي ب زارۇكا نەبەت، دلۇڧانى پى نائيتە  
 برن.

★ پيىغەمبەر ﷺ گەلەك يى ل زارۇكىت خو ھشيار بوو، و  
 چاڧدپريا وان دكر خو دەمى ئەو د نڧيىدا زى. ئەبو قەتادە  
 دىيىت: پيىغەمبەرى ﷺ نڧيىر دكر و نەڧيا وى كچا زەينەبى ل  
 مى وى بوو، دەمى دچو ركوعى ددانا ەردى و دەمى رادبوو  
 ھەلدگرت. دەمى پيىغەمبەر ﷺ د نڧيىدا و ھاي ژ دەنگى گرى  
 زارۇكەكى ببا، لەز ل نڧيىر دكر و دلپيىھەبوونا دەيكا وى بەرچاڧ  
 ۋەردگرت. (متفق عليه).

★ رۇڧەكى پيىغەمبەر ﷺ ل سەر مەنبەرى گوتارەك پيىشكىشى  
 موسلمانان دكر، ھەسەن و ھوسەين ژ نوى پيا دچون ھاتنە د  
 دەرى مزگەڧتدا و ھەر د ھەلنگەڧتن، و ھەردووان كراسيىت سۇر ل  
 بەر بوون، پيىغەمبەر ﷺ ژ مەنبەرى ھاتە خوار و ھەلگرتن دانانە  
 بەرسىنگى خو و گوت: (خودى و پيىغەمبەرى وى راست دىيىر

﴿إِنَّمَا أَمْوَالُكُمْ وَأَوْلَادُكُمْ فِتْنَةٌ﴾ (التغابن: 15)، ئانكو: ھىندى مال و زارۋكىيت ھەۋەنە بۇ ھەۋە جەرباندىن. من بەرى خۇ دا قان ھەردو زارۋكان ب پيا دھاتن و دكەفتن و دلى من خۇ نەگرت و من ئاخفتنا خۇ راۋەستاند و ھەلگرتن) پاشى گۇتارا خۇ تمام كر. (رواه أهل السنن).

گهلی مرؤفان، ئهفه پيغه مبهري خودييه، سه رهدريا وي دگهل زارؤكان ب في رهنكي بوو، هوين هزر دكهن دي سستي د فيركرن و په رومر دكرنا واندا كهت؟! موسلم و بوخاري ژ عومهرى كورى ئه بى سه له مەى فه دگو هيژن، گوټ: هيژ ئه ز سنيله بووم د ژؤرا پيغه مبهريقه مه خوارن دخوار و من دهستى خو ل هه مى رهخيت له گهنى دگيراندن، ئينا پيغه مبهري ﷺ گوته من: (يا غلام سم الله، وكل بيمينك، وكل مما يليك) ئانكو: لاوؤ نافي خودى بينه، و ب دهستى راستى بخؤ، و ژ بهرؤكى خو بخؤ.

دهمى حوسه ينى قهسپهك ژ قهسپيٽ سهدهقى كړيه د دهقى خوډا  
دا بخوت، پيغه مبهري ﷺ گوټي: (كخ كخ، اما علمت انا لا تحل لنا  
الصدقة؟) نانكو: كخ كخ - قهسي ژ دهقى خو بينه در - ما ته  
نه زانپه خوارنا سهدهقى يو مه درست نينه.

بوخاری دیبڑیت: پیغہ مبری ﷺ ب حہسنی و حوسہ نیقہ  
 دخواند و دگوت: (أعیدکما بکلمات اللہ التامہ من کل شیطان  
 وھامہ، ومن کل عین لامہ) نانکو: ئەز ھوہ ب ئاخفتنیّت خودی  
 ییت تمام دپاریزم ژ ھمی شہیتان و تشتیت ب زیان و ب شہفی  
 دگہرن و ژ ھەر چافیت حہسید، و کارتیکرنا چافان.

چاقدیریا پیغەمبەرى ﷺ بۇ زارۇكان يا بەردەوام بوو ھەتا مەزن دبوون و دبوونە زەلام زى. عەلىي كورى ئەبوتالبى  دىئىت: فاتىما كچا پیغەمبەرى د مالا منقە بوو - كابانیا وی بوو - و ژ خەلکى مالا وی ژ ھەمیا خوشفیتر بوو ل نک وی، ھند دستار دھیرا ھەتا کارتیکرن ل دەستى وی کرى، و ئاف ب مەشكى دکیشا ھەتا کارتیکرن ل پشتا وی کرى و مال دمالى ھەتا جلکیت وی تۆزەکی دبوون و ئاگر بن قازانى ھەل دکر ھەتا جلکیت وی ژبەر دویکیلى رەش دبوون و ب فان کاران ھەمیان گەلەك زیان دگەشتنى و مە گوھ لی بوو ھندەك کۆلە - عەبد - ییت ئیناینە نک پیغەمبەرى، من گوئی ئەگەر تو چۆبایە نک بابی خو خولامەك دابا تە ھندەك شۆل ژ تە فەکران، چۆ نک بابی خو بەری خو دایى خەلک یی لی کۆم بووی، شەرم کر بیئیتى و زقریفە، پاشى پیغەمبەر ب شەفی ھات سەرا مە دا و ئەم چۆبووینە ناف نفینیت خو، دا رابلىن پیشفە چین، گوئ نەرابن ل جھى خو بمین، و ھات روینشتە نک سەرى فاتیمایى و ییت خو دریژکرنە مابەینا مە، فاتیمایى ژ شەرمیت بابی خودا سەرى خو برە بن لحیفیفە، پیغەمبەرى ﷺ گوئی: (ما کانت حاجتک امس إلی آل محمد؟)، ئانکو: تو پیدفی چ بووی - تە چ دقیا - تو ھاتبووینە مالا پیغەمبەرى؟ فاتیمایى خو بى دەنگ کر، من گوئی: ب خودى ئەز دى بو تە بیژم ئەى پیغەمبەرى خودى، فى - بەحسئ فاتیمایى - گەلەك دستار یى هیرای ھەتا کارتیکرن ل دەستى وی کرى، و ئافا ب مەشكى کیشای ھەتا پشتا وی ئیشای و جلکیت وی ب مالینا مالیفە ییت تۆزەکی بووین و ب ئاگر ھەلکرنیفە ییت

تېڭىچۆين و سەر و چاقىت وى ب نان پاتنىڭھە يىت ھاتىنە  
 گوھۆرين، و مە زانى ھندەك بەندە يىت گەھشتىنە بەردەستى تە،  
 و من گوتبووئى بىژرە بابى خۇ بەلكى خولامەكى بدەتە مە، ئىنا  
 پېغەمبەرى ﷺ گوٲ: (أولاً أدلكما على ما هو خير لكما من خادم؟  
 إذا أوتيتما إلى فراشكما فسبحا الله ثلاثاً وثلاثين، واحمدا ثلاثاً  
 وثلاثين، وكبرا ثلاثاً وثلاثين فهو خير لكما من خادم) رواه مسلم  
 والبخاري وأبو داود. ئانكو: ئەز تىشتەكى نىشا ھەو ھەدەم بو  
 ھەو ھە ب خىرتەر بىت ژ خولامى؟ ئەگەر ھوئىن ھاتىن سەر جەھى خۇ  
 سىھ و سى جاران بىژن سىھان اللە، و سىھ و سى جاران بىژن  
 الحمد للە، و سىھ و سى جاران بىژن اللە اكبر بو ھەو ھە ژ خولامەكى  
 ب خىرتەرە.

## پیغمبره مبهري ﷺ چاوا سهردهدري دگهل گه نجان دکر

پیغمبره مبهري ﷺ بابيه کي باوهردار و پيگر ب بها و بنه ماييت ئيسلامی پهرودردهکر، و بارا پتر ژ وان ژ ته خهيا گهنجان بوون، چونکي بارا پترئ گهنج دگهل تشتي نوي د کاریگهرن، و پتر کارتیکرن لی دبیت و بهرسفا تشتان ددهن، بهروفاژی ته خهيا پیرانن ئه ویت بارا پتر دنبه ئاستهنگ بو هر گوهورین و چاکسازیه کي و خو ب تشتي که فنه دگرن و سهردهدري دگهل تشتي نوي ناکهن.

و گهنجان دهوره کي سهره کي هه بوو کو ل دور پیغمبره مبهري ﷺ کوم بووین و پشته فانیا په یاما ئه و پی هاتی، و بانگه وازی بو وی په یامی دکر و بهره فانی ژئ دکر. ههروه سا پیغمبره مبهري ﷺ گرنگیه کا تایبهت ددا چاقدیریا گهنجان و پهرودردهکرنا وان و بهره فکرنا وان بو بهرپرسییت مه زن. تشتي مه دفت دوباتی ل سهر بکهین ئه وه: کا چهوا پیغمبره مبهري ﷺ سهردهدري دگهل گهنجان کریه؟ و ئه و چ بنه ما بوون گهنجیت بابکي ئیکي ل سهر پهرودردهکرین؟

### 1- پهرودردهکرنا هه فسهنگ:

پیغمبره مبهري ﷺ ب پهرودردهیه کا هه فسهنگ گهنج پهرودردهکرنا، هه فسهنگی د نافبهرا سوژ و عه قلیدا، د نافبهرا روحی و له شیدا، د نافبهرا زانین و کاریدا.. ئه ف هه فسهنگیا ته فکر یا هویر، سیستم و پروگرامی ساخلام یی پهرودردهکر نییه، و زالگه هیا لایه کی ل سهر حسیب لایه کی دی سستی و کیماسی که فنه د ئافاکرنا که سیدا و دی ژ پهیره وی ئیسلامی یی راست لادهدت. پیغمبره مبهري ﷺ

بهرسينگى ھەمى بۇچۇنئيت خەلەت، ھزر و كرىيارئيت خەلەت  
 دگرت و يا راست و دورست ددانا جھى. يا ھاتىه گۇتن: جارەك  
 پېغەمبەر ﷺ د ناف خەلكيدا روينشتبوو و بەھسى رۇزا قىامەت  
 دكر و ژ وى رۇزى دترساندن، دليت خەلكى نەرم بوون و كرنه  
 گرى، دەھ ھەفالىت پېغەمبەرى ل مالا عوسمانى كورى مەزەونى  
 كۆم بوون و تەكبىرا خۇ كر كو رۇزى ب رۇزى بن و ب شەفى  
 نەننن نقيژان بكەن و قورئانى بخوينن و خۇ نيزىكى ژان نەكەن  
 و گولافى و بېھنيت خۇش ل خۇ نەكەن و جلكيت زفر بكەنە بەر  
 خۇ و دىيائى پشت گوھى خۇفە باقىژن و خۇ بخەسينن، ئەف  
 ناخفتنا وان گەھشتە پېغەمبەرى ﷺ، ئينا چۇ مالا عوسمانى ئەو  
 ل مال نەبوو، گۇتە ژنا وى: ئەف ناخفتنا گەھشتىنە من راستە؟ ژنا  
 وى نەفيا درەوى ل پېغەمبەرى بكەت، و نەفيا بەرى زەلامى خۇ  
 نەخشەيى وى يى نەيىنى ئاشكراكەت، ئينا گۇت: ئەي پېغەمبەرى  
 خودى ئەگەر عوسمانى بۇ تە گۇتبىت، راستى يا گۇتى، و  
 پېغەمبەر چۇ، دەمى عوسمان زفريە مالا خۇ، ژنا وى مەسەلە بۇ  
 گۇت، پاشى عوسمان و ھەفالىت خۇ رابوون چۇنە نك  
 پېغەمبەرى.. ئينا گۇتى: (ألم أنبا أنكم اتفقتم؟) ئانكو: ئەرى ما  
 نەگەھشتىە من - يا گەھشتىە من - ھوين يىت ل سەر فى كارى  
 ريككەفتين. وان گۇت: ژبلى پاشى و خيىرى مە چو مەرەمىت دى  
 پى نەبوون، پېغەمبەرى ﷺ گۇتى: من فەرمان ب فى تىشتى  
 نەكرىە، پاشى گۇتى: دەرۋونىت ھەوە مافى ل سەر ھەوە ھەي،  
 ھندەك رۇزا ب رۇزى بن - رۇزىيت سوننەت - ھندەك رۇزان بخون،  
 ھندەك ژ شەفى رابن نقيژان بكەن - سوننەتان - و ھندەك ژ شەفى

بنفن، و ئەز ھندەك رۆژان ب رۆژی دېم و ھندەكان دخۆم، ھندەك ژ شەفّی رادبم نفیژان دكەم و ھندەكّی دنقم، و ئەز گۆشتی و قەلەوی دخۆم، و ژنان دئینم، و یی ژ ریکا من دەرکەفیت نە ژ منە، پاشی خەلك كۆم كر و بو ئاخفت و گوتی: ھندەك مروّفان خیرە ژن و بهیّن خوۆشی و نفستن و خوۆشیّت دنیا یی حەرەم کرین! من فەرمان نەدایە ھەوہ ببنە قەشە و راھب، د دینی مەدا نینە خو ژ ژنی و خوارنا گۆشتی دویربیخی، و بچیە د ناوسكانقە خو ژ ھەمیان قەدەرکە ی.. گەریانا ئوممەتا من یا د وژییدا، راھبیا وان یا د جیھایدا، خودی بپەریسن و چو ھەفال و شریکان بو چی نەکەن، و ھەرنە حەجی و عومری، و نفیژان بکەن، و زکاتی بدن، و ھەیقا رەمەزانی ب رۆژی بن، خو راست کەن دی ژیان ل بەر ھەوہ راست بیت، ئەویّت بەری ھەوہ ییّت ب شانندن و ھشکیی چۆینە ھیلاکّی، ل سەر خو شانند خودی ژی ل سەر وان شانند، پاشما ییّت وان ییّت ماینە د دیّر و پەرستگەھ یّت قەدەر قە.

ژ قەگیّرانا فی سەرھاتیا پیغەمبەری ﷺ، ھەمی بوچوونیّت خەلەت بەرەف راھبیی قە ییّت رەدکرین و ب ئاشکرایي ديار کر: چو راھبیاتی د ئیسلامیدا نینە، ئانکو: نابیت خو ژ دنیا یی و خوۆشییّت وی قەدەرکە ی و ژنی نەئینی و خو ژ ھەر تشتی خوۆش دویر بیخی. ئیسلام داخاوازا ھەفسەنگی د کەت د نافبەرا پیدفییّت لەشی و ییّت روخیدا، کا چەوا مروّف یی پیدفیه حەز و فیانیّت خو ییّت ماددی پەیدا کەت و تیّرکەت وەکی جەلکا و خوارن و قەخوارن و ژنی... ھتە. وەسا یی پیدفی تیّرکنا حەز و فیانیّت خو ییّت مەعنەوہ ی و گیانیە. و زالگەھیا ھەر لایەکی ل سەر

لایه‌کئی دی، دئی بیته نه‌گهری لاوازیی د که‌ساتییدا و لادانی ژ پروگرامی ئیسلامی.

ئها هو‌سا پیغه‌مبه‌ری ﷺ هه‌فالیت خو ییت په‌رومه‌دکرین ل سهر هه‌فسه‌نگیی د نافه‌را پیدفییته له‌شی و گیانیدا.

د فی چه‌رخیدا ماده‌ته‌ی زالکه‌هی یا ل سهر هه‌می تشتان کری، و درویشمی فه‌لسه‌فا مادی یا نوی یی بوویه گرنگیدان ب ههر تشته‌کئی مادی و پشت گو‌ه هافیتنا ههر تشتی مه‌عنه‌وی و روحی.. یا فه‌ره ههر گه‌نجه‌ک هشیاری خو بیت و بیا‌فیت روحی ل نک خو تمام بکه‌ت و بخه‌ملینیت، و ئەفه پیدفی موجه‌دا نه‌فسییه، پیدفی پرؤفه و وهرزشا روحیه، پیدفی راهینانیت ده‌روونیه ل سهر دویفچونا ری‌کا راست و خی‌ری و باشی. و بلا درویشمی مه‌ بیهته گوتنا خودی: ﴿وَمِنْهُمْ مَنْ يَقُولُ رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ﴾ (البقرة: 201)، ئانکو: و هنده‌ک زی هه‌نه دبیرن: خودایی مه، تو د دنیا‌یدا قه‌نجیی د گهل مه بکه، و د ئاخ‌ره‌تییدا قه‌نجیی د گهل مه بکه، و مه ژ ئیزا و نه‌خوشیا ئاگری دوژده‌ی بپاریزه.

## 2- نه‌رمی و دلوفانی دگهل گه‌نجان:

پیغه‌مبه‌ری ﷺ سه‌ره‌ده‌ریه‌کا نه‌رم و ره‌حه‌ت یا دگهل گه‌نجان کری، و ئەفه بوو نه‌گهر گه‌نج پتر نی‌زیکی وی ببن و ل دو‌ر کو‌م ببن، هه‌تا خودی مه‌زن په‌سنا سه‌ره‌ده‌ریا وی یا جوان و نه‌رم دگهل خه‌لکی کر: ﴿فَبِمَا رَحْمَةٍ مِنَ اللَّهِ لِنْتَ لَهُمْ وَلَوْ كُنْتَ فَظًّا غَلِيظَ الْقَلْبِ لَانْفَضُّوا مِنْ حَوْلِكَ فَاعْفُ عَنْهُمْ وَاسْتَغْفِرْ لَهُمْ وَشَاوِرْهُمْ فِي



الْأَمْرَ فَإِذَا عَزَمْتَ فَتَوَكَّلْ عَلَى اللَّهِ إِنَّ اللَّهَ يُحِبُّ الْمُتَوَكِّلِينَ ﴿١٥٩﴾ (آل عمران 159)، ئانكو: ژ بهر وی دلوفانیا خودی ب ته بری تو بو وان نهرم بووی، و ههکه تو مروڤهکی هسکی دلرهق بایی دا ژ دۆریت ته ڤهږهڤن، ل وان ببۆره و داخوآا گونهه ژيږنی بو وان ژ خودی بخوازه، و مشیورهتا وان د کاروباراندا بکه، و نهگهر ته خو ئیک دل کر و برپارا خو دا، پشتا خو ب خودی راست بکه، و ب راستی خودی ههژ وان دکهت ییت پشتا خو ب خودی راست دکهن.

و پیغه مبهری ﷺ هاندانا هه میان دکر کو د سهردهدريا خو دا نهرم و ئاخفتن خوش بن. د ڤهرووده کیدا ﷺ دبیژیت: (إن الرفق لم يوضع على شيء إلا زانه، ولا نزع من شيء إلا شانه)، ئانکو: ههر کارهکی ئاخفتنیّت خوش و نهرمی و دلوفانی تی دا هاتیه ب کارئینان، نهو کار یی کهفتیه ری و ب بهریکڤه هاتی، و ههر کارهکی نهرمی و نهزمانخوشی ژی هاتیه راکرن، و کار یی هاتیه تی کدان و ب دورستی ب جه نه هاتیه.

ههروهسا دبیژیت: (ایاکم والتعمق في الدين، فإن الله قد جعله سهلاً، فخذوا منه ما تطيقون، فإن الله يحب ما دام من عمل صالح وإن كان يسيراً)، ئانکو: هشیار بنگه لهک ب ناف دینیقه نه چن، خودی یی ب ساناهی ئیخستی، ل دویف شیانیّت خو وهر بگرن و ب جه بینن، خودی ههژ وی کار یی باش دکهت یی بهردهوام بیت، بلا یی کیّم ژی بیت. یی ئاگه هدار بیت ل سهر ژیاناما پیغه مبهری ﷺ، دی گه لهک نموونه یان بینیت وهک به لگه ل سهر سهردهدريا پیغه مبهری یا جوان و نهرم دگهل گهنجان، ژ وان:

1. ئەنەسى كورئ مالكى دىيىزىت: ئەگەر پېغەمبەرى ﷺ سى رۇژا ھەفالىھكى خۇ نەدىتبا، دا پساربا وى كەت، ئەگەر رېڭىنگ با دا دوعا بۇ كەت، و ئەگەر ل مالا خۇ با دا سەرا وى دەت، و ئەگەر يى نەساخ با دا سەرا دەت.

2. ئىبن عەباس دىيىزىت: ئەگەر پېغەمبەر ﷺ ئاخفتبا ئان پساربا كارەكى كىربا، سى جاربان دوبارەدكر دا ب دورستى تى گەھشتىبان و وەرگرتبا.

3. ژ زەيدى كورئ سابىتى ھاتىيە ڧەگوھاستن گۇت: دەمى ئەم دگەل پېغەمبەرى ﷺ دروينشتىن، مە بەھسى ئاخىرەتى كىربا، ئەو زى دا وى بەھسى كەت، مە بەھسى دنيايى كىربا، ئەو زى دا بەھسى دنيايى كەت، و ئەگەر مە بەھسى خوارنى و ڧەخوارنى كىربا ئەو زى دا وى بەھسى كەت، ئا پېغەمبەر ﷺ يى ب ڧى رەنگى بوو.

4. ئەبو حومەيساء دىيىزىت: من تىكەليا پېغەمبەرى دكر بەرى بىيىتە پېغەمبەر، من ژفانەك دابوويى ل جەھكى، من وى رۇژى و يا پاشتر زى ژبىركر و رۇژا پىشتى ھىنگى ئەز چۆمە وىرى، ئىنا ﷺ گۇت: لاوۆ تە ئەز زەحمەت دام ئەڧە سى رۇژە ئەز ل ڧىرى.

5. جەريرى كورئ عەبدوللاى دىيىزىت: پېغەمبەر ﷺ چۆ د ژۆرەكا خۇڧە و تىرى بوو، و ئەز دا چمە د ژۆرڧە جە نەبوو ئەز ل بەر دەرى روينىشم، ئىنا پېغەمبەرى ﷺ عەبايى خۇ ئىخست و وەرپىچا و ھافىتە بەر من و گۇت: ھا، ل سەر ڧى روينە، و جەريرى عەبايى وى بلندكر و دانا سەر سەروچاڧىت خۇ و پىڧە ماچىكر.

6- سەلمانى فارسى ﷺ دىيىزىت: ئەز چۆمە د ژۆرقە نك پىغەمبەرى ﷺ و ئەوى پالا خو دابوو بالىفكەكى، پاشى ھافىتە بەر من و گۆت: يا سەلمان ھەر موسلمانەكى بچىتە نك براىى خو يى موسلمان، و ئەو بالىفكەكى بافىتە بەر وەك قەدرگرتن، بى شك دى خودى گونەھىت وى ژى بەت.

ژ فان نموونەيىت ژيانناما پىغەمبەرى ﷺ بۆ مە ديار دبىت چەند يى نەرم و ھەلىم بوو دگەل گەنجان، و سەرەدەريا وى دگەل وان چەند يا جوان و دلۆفانى بوو، و ئەفە ئىك ژ ئەگەرەيت سەرکەفتنا بانگەوازا ئىسلامى بوو، و گەنج ل پەياما ئىسلامى كۆم بووين. دفىت بانگەواز و سەرکردە و زانايان ژى ئەف رەوشتە ھەبىت ئەگەر بقىت گەنج ل كۆم ببن و كارتىكرنى ل بكن و بەرى وان بدمەنە دىندارىى و رىياز ئىسلامى.

### 3- پەسن و سوپاسىكرنا گەنجان:

پەسن و سوپاسيان گەلەك كارتىكرن يا ل سەر دەروونان ھەى، ب تايبەتى گەنجان، و ژبەر ھندى پىغەمبەرى ﷺ گەلەك مەدھىت گەنجى باوەردار دكرن. پىغەمبەر ﷺ د فەرموودەيەكىدا دىيىزىت: (ما من شاب يدع لله الدنيا ولهوا، واهرم شبابا في طاعة الله إلا اعطاه الله أجر اثنين وسبعين صديقاً)، ئانكو: ھەر گەنجەكى بۆ خودى خوشى و ھەز و مژويلاھىيت دنيايى ھىلاين، و د پەرستن و گوھداريا خودىدا پىر بووى، بى گۆمان خودى دى خىر و ئەجرى ھەفتى و دوو راستگۆيان دەتى، و راستگۆيى پلەيەكا بلند و ب قەدرە ل نك خودى. ھەر وەسا پىغەمبەر ﷺ دىيىزىت: (إن أحب الخلائق إلى الله عز وجل شاب حدث السن في صورة حسنة جعل

شبابه وجماله لله وفي طاعته، ذلك الذي يباهي به الرحمن ملائكته، يقول [ هذا عبدي حقاً ]، ئانكو: خوشتقيترين مهخووقى خودى ل نك خودى، گهنجهكه يى نوى گههشتى، رهوشت و رهفتاريى وى د جوانن، گهنجيني و جوانيا خو يىت بو خودى و پهريستنا وى تهرخان كرين، ئها ئهوه خودى ل نك ملياكهتان شانازيى پى دبهت و دبيژيت: (ئها ئهفه ب دورستى عهبدى منه). ههروهسا پيغهمبهري ﷺ دبيژيت: (فضل الشاب العابد الذي تعبد في صباه على الشيخ الذي تعبد بعدما كبرت سنه، كفضل المرسلين على سائر الناس)، ئانكو: خير و قهنجيا گهنجى پهرستكار ئهوى ههر ژ زاروكنيا خو پيگري ب دينى كرى ل سهر ئه و كهسى پير بووى پاشى پيگري ب دينى كرى، ههروهكى خير و قهنجيا پيغهمبهرايه ل سهر خهلكى دى.

و مهديت پيغهمبهري ﷺ بو جهحيلان كرين، دهورهكى گرنگ و كاريگهر ههبوو كه ههژمارا وان زيده ببيت و پتر ل دور سهركردياتيا پيغهمبهري ﷺ كووم ببن. و ژبه رهندي گهنجان دهورهكى كاريگهر ههبوو د بانگهوازيا ئيسلاميدا، و بهلافكرنا پهياما ئيسلامى ل ههمى دهفهران. گهنج ستوپنا ههر پيشكهفتنهكيه، و نهينيا هشاربوون و رابوونا ملهتانه، و هيژا جفاكانه، چونكى ئه و يىت د قوناغا تمامبوونا هيژيدا، و يىت د كاملانا شيان و كاركرن و بهرهه مئيدانيدا، و د بهرههفن بو خوگوريكرنى و فيانا پهيداكرنا ههر تشتى نوى و باش و چهز دكه نكه ساتيا خو دوپات بكهن و بسهليني.

و ئهغه يه هەر سهركردهك ئان چاكسازدهك پى رابيت بو گوهورين و چاكسازى. فيجا دقيت گهنجان - ب رازيكرن - بكيشينه دويف تايى خو بو خزمه تكرنا ئيسلامى و پشكدارى د پيشخستنا جفاكى و ئوممه تيدا.

#### 4- پهيداكرنا باوهريى د دهروونيت گهنجاندا:

ژ گرنگرتين بنه ماييت ئافاكركنا كه ساتيى و ب دهستقه ئينانا سهركهفتنى ئه وه: مروقى باوهري ب خو ههبيت، ئهوى ژياناما پيغه مبهري ﷺ خواندى، دى بينيت ﷺ گه لهك كار يى ل سهر هندى كرى كو گونجان باوهري ب خو ههبيت، بهرپرسیيت مهزن و گرنگ ييت دايهف گهنجان، بوو ئه گهر كو پتر باوهري ب خو ههبيت و ههز و شيانيت خو پيش بيخن.

گه لهك نمونه ييت ههين كو پيغه مبهري ﷺ بهرپرسیيت مهزن و گرنگ ييت دايهف گهنجان، وهكى:

1. ئيكه مين هئارتى و نوينه ر پيغه مبهري ﷺ فريكره مهدينى بو به لافكرنا ئيسلامى، موسعه بى كورى عومه يرى بوو، و ل وى دهمى د كاملانا لاوينيا خودا بوو، هه رچه نده موسعه ب ب عه مريشه نه يى مهزن بوو، به لى شيا گه لهك كه سان ل مهدينى رازى كهت و باوهريا ئيسلامى بگه هينيتى و مهدينه بوو گرنگرتين بازيرى گزيرتا عه رهبى و موسعه بى ب دلسوزى و ب هه مى شيانيت خو كار كر په ياما ئيسلامى بگه هينيته خه لكى كو باوهريى پى بين.

2. پشتى فهتجا مه كه هى ب دهمى كورت، پيغه مبهري ﷺ خودى ئه و ب له شكه رى خو فه نه چار بوون ژى دهركهفن و به رهف

جیهادی بچن. و دقیت کسه کی دستنیشان بکته بو بریقه برنا کاروباریت مه که هی. د نافه را هه می موسلماناندا، پیغمه مبه ری ﷺ گهنجهک هه لبارت ژیی وی ژ (21) سالان نه بو ری بوو، نه و ژی (عیتابی کوری ئوسهید) ی بوو وهک سهر کردی مه که هی دهمی پیغمه مبه ر ژی دهر که فتی و پیغمه مبه ری ﷺ فه رمان دا عیتابی کوری ئوسهید) ی ل مه که هی نفیژی به ری موسلمانان بکته، و نه و ئیکه مین ئه میر بوو ل مه که هی پشتی فه تحی نفیژ به ری موسلمانان کری.

3- ل دویماهییت ژيانا پیغمه مبه ری ﷺ، پیغمه مبه ری موسلمان به ره هه ف کرن بو شه ری رومی، و گه لهک سه حابییت مه زن و نافدار و سهر کردی زیرهک و مشهختی و پشته فان و سهر وکیّت بنه مال و ئویجاخان و که ساتییت نافدار دگهل بوون، چو پی نه فیّت سهر کردی فی جو ره لهشکه ری نه و پیغمه مبه ر بو هه لده ری ریت د ناف گرگه سهر کرده یاندا بو به رپرسیا مه زن و ب مه ترسی، تو بیژی دی فی ئالایی سهر کرداتی و شه ره فی ده ته ف کی؟

پیغمه مبه ری ﷺ گازی ئوسامه یی کوری زهیدی کر و ئالایی سهر کرداتی پیشکیشی وی کر و کره نه میری لهشکه ری موسلمانان و ژیی وی (18) سال بوون، هه می لهشکه ره که فته بن فه رمان و گوهداریا فی سهر کرده ی نه و پیغمه مبه ری ﷺ ده ستنیشان کری، یا ناشکرایه بو هه میان مه رجی سهر کی یی هه لبارت نا گهنجان، شیان و شاره زایی و ده سته لاتا وایه. و نه فه د گو تار و فه رموده یی پیغمه مبه ری دا ﷺ باش دیار دبیت. نه و گهنجیت پیغمه مبه ری ﷺ هه لده رت نا دا جه و به رپرسیی هه ستیار و

مهزن د ددهوله تییدا بدهته قی، نهو شیان و شاردهزاییت پیدفی  
 هه بوون ژ لایی عه قلی و هزرئ و ئیمانی و زانستی و رهوشتان و  
 نه خشه دانانی و هه می لاییت دی.

ژ فان نمونه یی دیرۆکی بو مه دیار دبیت کا چهوا پیغه مبهری  
 ب رهنگه کی دورست و سه رکه فتی شیانیته گهنجان داینه کاری  
 و (باوهری ب خو بوون) د دلته واندا بچینیت و فیان و شیانیته  
 وان ب هیژ بیخیت، و وهل وان کر کو ب روله کی مهزن بگپرن و  
 بهرپرسیته مهزن هه لگرن، و نهفه ببوو نه گهرئ سه ره کی یی  
 به لافکرنا نالایی ئیسلامی ل گه له ک وهلات و دهفه ریته  
 جیهانی.

## ب کورتی

پیغه مبهر ب ریکا سه ره ده ریا خو یا حه کیمانه دگهل گهنجان،  
 شیا بابکه کی باوهردار و پیگرب بنهما و بهاییته ئیسلامی په روه رده  
 دکته. و وان پیشه نگیت باوهردار - پشتی هنگی - روله کی گرنگ و  
 کاریگه ره بوو گه هاندنا ئیسلامی و به لافکرنا بنهما و بها و  
 ریبازا وی یا پیروژ.

نها هو سا، یا فهره ل سه ره سه رۆک و چاکساز و سه رکرده یه کی کار  
 بکته بو په روه رده کرنا گهنجان و شیانیته وان بدهته کاری بو  
 بهرژوه وندی حقاکی و ئوممه تی، و بههره و داهینانیته وان ب  
 دهلیشه و دربگرن بو پیخشستی، هه روه کی پیغه مبهری  
 سه ره ده ری دگهل گهنجان کری، چونکی نهو چاقلیکری مهیه:  
 ﴿لَقَدْ كَانَ لَكُمْ فِي رَسُولِ اللَّهِ أُسْوَةٌ حَسَنَةٌ لِّمَن كَانَ يَرْجُو اللَّهَ وَالْيَوْمَ  
 الْآخِرَ وَذَكَرَ اللَّهَ كَثِيرًا﴾ (الأحزاب: 21)، ئانکو: ب سویند

پيغه مبهري خودي بو هه وه باشتري نموونه بوو چاڤ لي بيته كرن  
 بو وي يي ژ خودي و روژا قيامه تي بترسي و گه له ك زكري خودي  
 بكهت.

يا فهره ب رژدي و دلسوزي كار بيته كرن كو بهري گهنجان بدهنه  
 دينداري و گه شه كرنا بها و رهوشتان ل دهف وان ل سهر بنياته كي  
 رهوشه نبيري. بهرپرسيا مه بهرام بهر گهنجان زيده دبیت، دهمي  
 ئهم بزاني كا چ هه و هي رش ل دوي ف نه خشه يي دانايي ل سهر  
 گهنجان دهينه كرن ژ لايي دهز گه هي ت راگه هاندني ف ه يي ت  
 تخوي بي ت رهوشتان راكرين، و تو ريت هه رفاندن و پوي چكرنا  
 گهنجان و به لافكرنا مه يي و كه ره ستين بي هو شكهر، و ئارمانجا  
 ههميان پوي چكرنا گهنجي موسلمان، دا وي ژ دين و بنه ما و  
 رهوشتي وي دوير بيخن و بي رهوشتي و پوي چاتيان د ناف گهنجاندا  
 به لاف بكهن.

ئهر كه ل سهر ههر كه سه كي شيان هه بن ژ زانا و چاك ساز و  
 هزرمه ند و بهرپرسان ب ههمي شياني ت خو ف ه گرنگي بدهنه  
 كي شه يي ت گهنجان و چاره سه ركرا ئار شه يي ت وان و بهري وان  
 بدهنه ديني وان و بههره و شيان و شاره زايي ت وان بدهنه كاري بو  
 ئافاكرنا شارستانيا ئومه تي.



## هونهړی سهردهریا پیغه مبهري ﷺ دگهل هه قرینیت خو

خویشك و براییت موسلمان.. وینهیی ئیسلامی یی گهش ل نك گهلهك خهلكی نهمايه، و ژبهه نه دیتنا و ینهیی دورست، شیلیاتیهك یا كهفتیه د دیتنیدا و راستی یا هاتیه برینداركرن. دوعا ژ خودی دكهه نهف زنجیرا ئهه دهست پی دكهین ببیته كلیل بو فهكرنا قفلیت دلان و ببیته روئاها زانینی بو فهكرنا عهقلیت گرتی و هزر دورست ببیت و وینهیی ئیسلامی بی شیلیاتی ببیته دیتن، پیغه مبهري ﷺ ل گوپیتکی بوو د هونهړی سهردهری و ئاداب و زهوق و رهوشتان د ژيانا خو یا ههقرینید، و گهلهك ههلویست و دیمه نیت رومانسی ییت بلند ژ ژيانا وی ییت هاتینه تۆماركرن.

### ئارمانجیت ژنئینانی

#### ئیک: ئهركی دهروونی:

دا دلخووشی و تهناپی و فیان و ههژیكرن پهیدا ببیت: ﴿وَمِنْ آيَاتِهِ أَنْ خَلَقَ لَكُمْ مِنْ أَنْفُسِكُمْ أَزْوَاجًا لِتَسْكُنُوا إِلَيْهَا وَجَعَلَ بَيْنَكُمْ مَوَدَّةً وَرَحْمَةً إِنَّ فِي ذَلِكَ لَآيَاتٍ لِقَوْمٍ يَتَفَكَّرُونَ﴾ (الروم: 21)، ئانكو: و ژ نیشانیت مهزناتی و دهستهه لاتداریا وی، ئهوه وی ههر ژ ههوه بو ههوه ههقهسهه چيكرن، دا سهبر و ههدارا ههوه پی بیت، و ل دهف ههههسن و فیان و دلوفانی ئیخسته د نافههرا ههوه دا، ب راستی ئهقه نیشانیت ئاشكه رانه بو وان ئهویت هزرا خو دكهن.

#### دوو: ئهركی پهروه دهیی:

پاکی و خو پاراستنه ژ تیكچوونیت هزری و دهروونی و ههزین سهر داچونی.

سى: ئەركى دىنى:

ب ژنئىنانى دىن تمام دبىت، پىغەمبەر ﷺ دبىژىت: (من رزقه الله امرأة سالحة فقد أعانه على شطر إيمانه، فليثق الله في الشطر الثاني) رواه البخاري، ئانكو: ئەوئ خودئ ژنهكا چاك كرىه رزقئ وئ، ئەو هاريكاريا وئ يا كرى سەر موكومكرنا نىشا ئيماننا وئ، فئيجا بلا ئەو ژى هاريكاريا خو بكهت و خو ژ گونەهان بپاريزىت ل نىشا دووئ ژ ئيماننا خو.

چار: ئەركى جفاكى:

ئەفئ خالى دوو ئالى يئت هەين:

أ - زىدەكرنا زاروكان: پىغەمبەر ﷺ دبىژىت: (تناكحوا تكاثروا فإني أباهي بكم الأمم)، ئانكو: ژنا بينن و شوى بكهن، نك ئوممەتئ دى ئەز شانازىئ ب هەو دەم.

ب - پاراستنا جفاكى ژ نەساخيا: پىغەمبەر ﷺ دبىژىت: (ثلاثة حق على الله تعالى عونهم، المجاهد في سبيل الله، والمكاتب الذي يريد الاداء، والناكح الذي يريد العفاف) رواه النسائي، ئانكو: سئ جوړيت مروؤقان يئت هەين، ئەرکه ل سەر خودئ هاريكاريا وان بكهت، ئەوئ دچيته جيهادئ د ريكا خوديدا و ئەوئ ئنيهتا خو ئيناي و بەرههفئيت خو كرىن بو حەجئ، و ئەوئ ژنى دئىنيت دا يئ پاراستى بيت ژ گونەه و خەلەتيان.

ئەف ئارمانجە دېنە ئەگەرئى دلرەحەتى و تەنايى و پاكيى. و  
 دقيت شيوازەكى ئاست بلند د سەرەدەريا هەفزينييدا بيته ب  
 كارئينان، دا ژيانا هەفزينيى يا بەرەھەمدار بيت بەرەف پيشكەفتن  
 و داهيىنانى و بابكەكى زاروكتى هەفسەنگ بيته بەرەھەفكرن.  
 پيغەمبەر ﷺ گەلەك يى نەرم و حەليم بوو و گوته عائيشايى:  
 (يا عائشة عليك بالرفق واياك والعنف والفحش) رواه البخاري،  
 ئانكو: ئەى عائشا هەردەم يا نەرم و تەنابە د كار و گوتنيت  
 خوډا، خو ژ توند و تيزى و ئاخفتنيت كريت بدە پاش. هەروەسا  
 پيغەمبەر ﷺ دىيژيت: (إن الله يحب الرفق في الأمر كله) رواه  
 مسلم، ئانكو: خودى حەژ نەرمى و رەحەتيى دكەت د هەمى كار و  
 باراندا. و خودى مەزن د قورئانا پيرۆزدا دىيژيت: ﴿وَمِنْ آيَاتِهِ أَنْ  
 خَلَقَ لَكُمْ مِنْ أَنْفُسِكُمْ أَزْوَاجًا لِتَسْكُنُوا إِلَيْهَا وَجَعَلَ بَيْنَكُمْ مَوَدَّةً وَرَحْمَةً  
 إِنَّ فِي ذَلِكَ لَآيَاتٍ لِقَوْمٍ يَتَفَكَّرُونَ﴾ (الروم: 21)، ئانكو: و ژ نيشانييت  
 مەزناتى و دەستەلاتداريا وى، ئەو وى هەر ژ هەو بو هەو  
 هەفسەر چيكرن، دا سەبر و هەدارا هەو پى بيت، و ل دەف  
 قەھەسن و فيان و دلوفانى ئيخستە د ناڤەرا هەو، ب راستى  
 ئەقە نيشانييت ئاشكەرانە بو وان ئەويت هزرا خو دكەن. ژن  
 نەبەس بو خوشيا زەلامىيە و چو ئەركيت دى نينن، و ئەركى  
 زەلامى نەبەس ئينانا پارايە و ل سەر ژنى بمەزيخت، د ناڤەرا  
 زەلامى و ژنيدا پەيمانەكا پيرۆز و موکومە، پەيوەنديەكە ژ  
 سىماييت وى فيان و دلوفانى و حەژيكرنە و ريژگرتنە و بهايت

بلندن، ژ بهر هندئ دڤيټ ژيانا ههڤژينيټ يا خوښ و تهنا و يا ڤالا  
 نهبيت ژ ههلويسيټ رۆمانسي و پهيقټ ههژيكرنئ و نازاندنئ و  
 پهيقټ شرين و بټنفرهه و ليټوژينيټ، پيغه مبهري ﷺ گهلهكئ  
 ههڤالخوښ و باش بوو دگهل ههڤژينيټ خو و ههمي خهلكئ مالا  
 خو، و ب ڤيان و ههژيكرن ياري و ترانه دگهل دكرن. عائيشا  
 ﷺ دبيټريټ: پيغه مبهري ﷺ گوټ: (خيركم خيركم لاهله، و انا  
 خيركم لاهلي) رواه الترمذي. ئانكو: يئ ژ ههوه ههميان باشتري،  
 ئهوه يئ بو خيژانا خو باشتري، و ئهز ژ ههوه ههميان باشتري بو  
 خيژانا خو. و ئيبن عهساكر د ريوايهتا خوڊا ل سهر ڤي  
 فهرمووئ زېده دكهت: (ما أكرم النساء إلا كريم ولا أهانهن إلا  
 لنيم)، ئانكو: كهسيټ جوامير ريژي ل ژنان دگرن، و يټ نهخوښ  
 مروڤ وان كيټم دكهن. ئهڤه هندك فهرمووده يټ پيغه مبهري  
 بوون ﷺ هاندانا موسلمانان دكهت كو سهردهريا دورست دگهل  
 ژنان بيټه كرن و ريژ لي بيټه گرتن و نههينه ئيشاندن و  
 برينداركرن.

پيغه مبهري ﷺ سهردهريه كا گهلهكا جوان و بلند دگهل  
 ههڤژينيټ خو دكر ل سهر بنياتي بنه مايهكي، باشتري ژ وان د  
 چو كتيټ و ژيديراندا نينن ژبلي بهلگه يئ ب كريار يئ  
 ژيانانما وي ﷺ.

## سەرەدەریا وی دگەل هەقژینیّت وی د مالا پیڤه مبهردا

دا هونەرەکی نوی ژ هونەریت ریڤه برنا ژيانا هەقژینی  
به حس بکهین، ئەوێت پیڤه مبهری خوشتی ﷺ نیشا مه داین:  
لیبۆرین ژ خەلەتیّت ژيانا هەقژینی و چاڤ وەرگیپران ژ  
کیماسیان، ب تایبەتی ئەگەر خەلەتیا پەیهوندی ب کاروباریت  
ژيانا دنیا ییڤه هەبن. ئەز دبیزم: ژبیر نه که ئەی برای خوشتی  
تو یی سەرەدەریی دگەل مروڤان دکە، و هەمی مروڤ خەلەتیا  
دکەن و باشترین کەسیّت خەلەت دبن ئەون ییت پەشیمان دبن و  
ل خو دزڤرن، و ژبیر نه که تو یی سەرەدەریی دگەل ژنه کی دکە،  
پیڤه مبهەر ﷺ دبیزیت: (قد خلقت من ضلع اعوج)، ئانکو: یا ژ  
پەراسیه کا خوار هاتیه ئافراندن. گەلەکی هویربین و هەستیار  
نەبه و خەلەتی و کیماسیّت بچویک و بهرنه کەفتی مەزن نه که،  
هزرا خو د خودا بکه تو زی خەلەتیا دکە. ژبیر نه که کاریت  
ژنی د مالیدا گەلەکن، دگەل زارۆکان و بهر هەڤکرنا خوارنی و  
پاڤژی و جلکان و... هتد. بی گومان فان کاران هەمیان بکهت، دی  
هەر هندەک خەلەتی چی بن. و ژبیر نه که ژن گەلەکا ب غیرهتە و  
زوی کارتیکرن لی دبیت و دڤیّت فان تیشان هەمیان ل بهرچاڤ  
و مەرگری. و گه بده فان نموونهیان:

★ بهری خو بده رهوشت و هەڤسهنگی و نەرمی و بینفرههیا  
پیڤه مبهری ﷺ، و شیوهی چاره سەرکرنا فی هەلوێستی، و

ديار کرنا نه گهرئ خه له تيا عائشايي ژ چ بوو، ده مئ گوټي: (غار ت اُمکم، غارت اُمکم)، ئانکو: غير هتئ دهیکا هه وه يا گرتي، غير هتئ دهیکا هه وه يا گرتي. و هه ستا دهرووني يا هه فژينا خو عائشايي بهر چاف وهر گرت، و ههروهکی يئ پيش دهیکا سه له مه يقه داخوازا لي بؤريني ژ عائشايي دکه ت، و نه نجامي وي خه له تئ نه کره ستويي عائشايي و گازنده ژي ژي نه کرن، بو چي؟ چونکي دهیکا سه له مه ي هاتبوو مالا عائشايي و نهو خوارن بو پيغه مبهري ئينا، ژ بهر هندي پيغه مبهري ﷺ نهفه بهر چاف وهر گرت و ب نه رمي و عه قلانه نهو هه لويست چاره سه رکړ و نهو غير هتا هه فژيني يا د ناقبه را هه وياندا چي دبیت بهر چاف وهر گرت و دزاني نهفه يا د دهروون و هزرا ژني دا چانديه.

پيغه مبهري ﷺ چو نه گوته عائشايي، ب تني گوټ: غير هتئ عائشا گرت، د سهر هندي را ئاماني دهیکا سه له مه ي ل پيش چافيت پيغه مبهري و هه فاليت وي شکاند.. بهل خودي مه زن يئ گوټي: ﴿وَإِنَّكَ لَعَلَىٰ خُلُقٍ عَظِيمٍ﴾ (القلم: 4)، ئانکو: و بي گو مان تو خوداني ره وشته کی زيده پاک و بلندي. بهري خو بده في ناقلمه ندي و سه رده ريا دورست، وي هزري بکه نه گهر نهفه هه لويسته ل مالا ته عاتبا کرن دا چ که ي؟ ئان نهفه هه لويسته د ناقبه را ته و هه فژينا ته دا چي ببا ل لي نانگه هي و هندهک هه فاليت ته ييت ل ويړي، دا هه لويستي ته چ بيت و چ که ي؟ سه رده ريا دورست لي بؤرينه نه گهر خه له تيهک کر، و په سن و

سوپاسیا وی بکهی ئەگەر باشیەك كر، ئەفە ژ جامیریا زەلامایە و ژ رهوشتی چاکه. هندهك زهلام ب خورتی ئاریشهیا پهیدا دکهن و تشتیت بجویك مهزن دکهن و دویر نینه بگههنه ئەنجامهکی تهحل و نهخۆش ههتا بگههیته بهردانی.

★ هاتیه فهگیران کو زهلامهك هاته نك عومهری كوری خهتابی دا گازندا دهستنهخۆشیا ههفزینا خو بگههینیته عومهری، و ما ل سهر دهرازینكا خانی ههتا عومهر دهردهكهفیت، گوھی خو دایی ژنا عومهری دهنگی خو یا ل سهر بلند کری و چیرا خو دگهل دریژ دکهت و ژ ژنا وی خرابتره، و عومهر یی بی دهنگه و بهرسفا وی نادەت، ئینا ئەو زهلام ل سهر پی خو زفریشه و ژ مالا وی چۆ و گوٲ: ئەگەر ئەفە حالی عومهری بیت دگهل هیژ و هشکیا وی و ئەو میری موسلمانان، پا دی حالی من چ بیت؟ عومهر دهرکهفت بهری خو ددهتی یی دزفریت و دجیت، ئینا گازی کری و گوٲ: کا وهره زهلام ته چ دفیا؟ گوٲ: ئەی میری ئیمانداران ئەز هاتبووم گازندا خو بگههینمه ته، ژنکا من گهلهکا دهست نهخۆش و چیر دریژه دگهل من، پاشی من بهری خو دایی ژنکا ته ژ ی و هسایه و ئەز زفریم و من گوٲ: ئەگەر ئەفە حالی عومهری بیت دگهل ژنا وی و ئەو میری ئیمانداران، پا دی حالی من چ بیت. عومهری گوٲ: برایی من ئەز بیهنا خو دگهل فرهه دکهم و ژ قههیل دکهم ژبهه مافیٲ وی ل سهر من، ئەو خوارنا من دلینیت، نانی من دپیژیت، جلکیٲ من دشۆت، شیري ددهته زارۆکیٲ من، و ئەفە

ھەمى نەفەرزن سەر وى و خىرەكە بۇ خۇ دكەت، و من تىر دكەت  
و دى من تەنا دكەت و خۇ ژ ھەرامى ددەمە پاش، ژبەر ھندى  
تەھەملا وى دكەم.

زەلامى گوتى: ھەفژىنا من ژى وان كاران ھەميان دكەت.  
عومەرى گوتى: برا تو ژى تەھەملا وى بكة، گازندا وان دەمەكى  
كورته و دى ب دويماهى ئىت: ﴿فَإِنْ كَرِهْتُمُوهُنَّ فَعَسَى أَنْ تَكْرَهُوا  
شَيْئًا وَيَجْعَلَ اللَّهُ فِيهِ خَيْرًا كَثِيرًا﴾ (النساء: 19)، ئانكو: و ئەگەر ھەو  
نەفيان [بىنا خۇ لى فرەھ كەن و بەرنەدەن] چونكى دبىت ھوين ژ  
تشتەكى بىزار بن و ھەو نەفىت، و خودى خىرەكا مەزن  
ئىخستىتە تىدا.

ئەف ئايەتە دلخوشكرنەكە و سۆزەكا خودايىيە بۇ ھەر زەلامەكى  
ھەفژىنا وى ب شىوہىەكى يا دەست نەخۇش بىت و ئەو بىنا خۇ  
ل سەر فرەھ بكەت، دى خودى مەزن بۇ وى ب خىر و خۇشى  
گوھورىت. ژيانا وان يا ھەفژىنىي يا ھۇسا بوو، باشىيىت ئىكدو  
دگوتن و چافىت خۇ ل ل كىماسى و خەلەتيان دنقاندن.

★ دىيژن ژنەكا كۆچەرئىت عەرەبان روينشتبوو نك زەلامى خۇ  
بۇ خۇ دئاخفتن، و بەھسى پاشەرۇژا خۇ دكر وەكى ھەمى ژن و  
مىران.

ژنى گوت: ئەز دى ھىرا ئەف سالە كۆم كەم و رىسم و دى  
فرۇشم و دەوارەكى جەھىل پى كرم، زەلامى وى گوتى: ئەگەر تە  
كرى ئەز دى لى سوياربم، ژنى گوتى: نەخىر تو سويار نابى،



زەلامى گۆتى: ئيلا ئەز دى سوياربم و ب جره چۆن و ژنى ژبەر  
 زەلامى خۆ نەدانا و ل دويماهيى بەردا. د بنياتدا چو ئاريشه هەر  
 نەبوون، مەسەلە هيقي و داخوازييت پاشەرؤژى بوون، گەلەك  
 جاران ئەف مەسەلييت بچويك د نافبەرا ژنى و زەلاميدا دگەنە  
 بەردانى، ئەها ھوسا گەلەك ئاريشه يييت ھەين د بى بنياتن و  
 بەرناكەفيت بېنە گۆتن، و مخابن دبنە دويماهى بو ژيانا  
 ھەقژينيى. سەربۆر و شيرەتييت پېغەمبەرى ﷺ چەند جوانن،  
 مالى دكەنە بەحەشت، ئەگەر ئيك ژ ھەردووان تۆرەبوو، دقييت يى  
 دى ئان يا دى بېنا خۆ فرەھ بکەت. چونكى تۆرەبوون و تنگژينا  
 زيڭدە ھەكى سەرخۆشبوونىيە خودانى وى نوزانيت چ دكەت و چ  
 دبيژييت. خۆزى زەلامى و ژنى ژى ئاخفتنييت نەخۆش و زقەر و  
 يييت ھەستان بريندار دكەن و دئازرين نەگۆتبانە ئيكدو، ب تنى  
 تشتييت جوان و باش ل نك يى بەرامبەر ديارکربان و چاقى خۆ ل  
 كيماسى و خەلەتيييت بچويك نقاندا.

ھونەرەكى دى يى ھەى ژ ھونەرى سەرەدەرىي دگەل ھەقژيني  
 د مالا پېغەمبەردا ﷺ:

- روينشتنييت تايبەت دگەل ژنى و ئاخفتن و پرسيارپيکرنا وى:

ھندەك زەلاميت ھەين کارى وان ھەسا دخوازييت گەلەك  
 دەرکەفن و ھەر ب گەشت و سەفەرانقە بن، گەلەك پەيوەندى يييت  
 ھەيت، و ھندەك ژ وان دچنە ئاقارى پياسان دكەن ھەك بېنقەدان  
 ژ کارى، و ھندەك ل بەر فلم و ئەنترنييتى دميننە ھشيار ھەتا



درهنگی شهف. ئەفه چ مافن ددەنە ژنی، دەنە زارۆکیّت خو، دی  
چەوا دگەل رویننە خوار؟

بەرئ خو بدە فی نموونا هونەرئ روینشتنی دگەل ژنی و  
هەفەپەیفیندگەل وئ، عائیشا چیرۆکا (أم زرع) یا دریز فەدگیڕیت  
و پیغەمبەر ﷺ گوھی خو ددەتە چیرۆکی ژ عائیشای. ئیبن  
حەجەر دبیرئیت: ئاخفتنا ژ فی جووری گەلەك مفايیت تیدا هەین:  
هەفالیینیا وان خووش دبیت، هەدار و بینفرههیه و دی بەحسئ  
تشتیّت باش و حەلال کەن.

دەمئ زەلام هەندەك گازندیّت خو دگەهینیته ژنی و پساراً خو  
پئ دکەت، دی هەست پئ کەت کو وئ بهایی خو یئ ل نک زەلامی  
هەی و حەژئ دکەت، برایّ خوشتفی پساراً خو ب ژنی بکە بلا  
تو پیدفی وئ پسارکرنئ زی نەبی، پسارپیّکرن و راوەرگرتنا ژنی  
یا بئ مفا نابیت، و دبیت جارەکی رایەکا دورست بو تە بیژئیت  
ببیته ئەگەرئ دلخووشیا تە. گوھی خو بدە فی نموونا پیغەمبەری  
ﷺ پساراً خو ب هەفژینیّت خو زی دکر، ژ وان:

\* دەمئ د (صلح الحديبية) دا فەرمان دایە هەفالیّت خو هەر  
ئیک پەزەکی فەکوژن و سەرئیت خو بتراشن، و سەحابی د مژویل  
بوون وەنەکر و بو وان گەلەك یا نەخووش و ب زەحمەت بوو  
جارەکا دی بزفرنەف مەدینئ و نەچنە د مەکەهیدا، پیغەمبەر  
چۆ د خیفەتا دەیکا سەلەمەییقه یئ پۆسیدە و خەمگین، هەفژینا  
وی رایەکا دورست بو گوّت و ژ وی هەلوێستئ نەخووش دەربازکر،

گوٽی ئه‌ی پيغه‌مبه‌ری خودی کا تو هه‌ره‌ ده‌رڤه‌ سه‌ری خو ټراشه‌ و په‌زی خو ڤه‌کوژه‌، ده‌می پيغه‌مبه‌ری وه‌کری، هه‌می هه‌ڤالیت وی چاڤ لی کر و سه‌ریټ خو تراشین و په‌زیت خو ڤه‌کوشتن.

★ هه‌لوښتی خه‌دیجایی  ده‌می مزگینی دایه‌ پيغه‌مبه‌ری و گوټی: نه‌ترسه‌ و دل‌ه‌ی دلی وی دای و گوټی پشته‌ راست به‌ خودی ته‌ شه‌رمزار ناکه‌ت و ره‌وشتیټ وی ییت باش بو دگوټن، نه‌و ده‌لیڤه‌بوون کو جارا نیکی وه‌حی بو پيغه‌مبه‌ری هاتی و خوه‌ دای و ترسیای و هاتی‌ه‌ مال و دگوټی (زملونی زملونی) ئانکو: من بنخیڤن من بنخیڤن، ئینا خه‌دیجایی نخافت و ترسا وی ل سه‌ر سڤک کر.. ده‌می پيغه‌مبه‌ری  گوټی: تو ژ من ترسیای کو نه‌ڤه‌ ب سه‌ری من هاتی؟ خه‌دیجایی گوټی: نه‌ ب خودی، خودی چو جاران ته‌ شه‌رمزار ناکه‌ت، چونکی تو سه‌را که‌س و کاریټ خو دده‌ی بی باری وان گران بیت، تو هاریکاریا وی دکه‌ی ویی نه‌بیت تو دده‌یی و پشته‌ڤانیا لاوازن دکه‌ی و هاریکاری بو حیقی و راستی. ب ڤان ئاخفتنان دلی پيغه‌مبه‌ری  ته‌نا و ره‌حه‌ت بوو. نه‌گه‌ر نه‌و ژنه‌کا دی با نه‌خه‌دیجایا دبیت دا بیژیټی: ما دی بوچی چیه‌ وی شکه‌ڤتا که‌س تیڤه‌ نه‌؟ ما نه‌ یا دورست نه‌و بوو تو زی د ناف مروڤاندا بای؟ و... هتد.

ئه‌ی ژنا ئیماندار بلا ره‌وشتی ته‌ و ئاخفتنا ته‌ هه‌رده‌م یا خیری و گه‌شبینی و باشیټ بیت و هه‌رده‌م هزرا باشیټ ژ خودی بکه‌ی. پشته‌ڤانیا ژنی بو زه‌لامی د هه‌می کاریټ خیریټا، دلخو‌شی

و ھیزەکا مەعنەوی یا موکوم بۆ زەلامى پەيدا دكەت. ئھا دقئیت  
 ژن یا ھۆسا بیت د تەنگافیاندا پششەفانا زەلامى خو بیت، بەئى  
 کەنگى دى ژن یا ھۆسا بیت، دەمى ھەست دكەت وى بەھایى خو ى  
 ل نك زەلامى خو ھەى. ژبەر ھندى ئەز دبیژم:

پەيوەندیا د نافبەرا ژن و میړاندا پیښ دكەفیت و بنەجھ  
 دبیت، چەند بیته نوکرن و دان و ستاندن د نافبەرا واندا ھەبن،  
 چونكى ئاخفتن ریکەکە پتر ئیکدو بنیاسن و کەھى ببن و دئیکدو  
 بگەھن، ھەروەکی پیغەمبەرى ﷺ گوتى: (فالارواح جنود مجنده،  
 ما تعارف منها ائتلف وما تنافر منها اختلف)، ئانکو: گیانییت  
 مرووفان د بەرھەفکرینە بۆ ئافاکرنا ژیانى، ییت وەکی ئیک و د  
 ئیک و دوو دگەھن، ژ ئیک و دوو کەھى دبن، ییت نەوہکی ئیک ژ  
 ئیک و دوو کویشى دبن و ژیک دویر دكەفن. و ھەر ژ ھونەریت  
 سەرەدەری:

ھەر ژ ھونەرى سەرەدەرى:

چاقدانا ژنى، و بیہنا وى نەھیتە تەنگ کرن، و داخوازا لیبۆرىنى  
 ژى بیته کرن:

ئەبو ھورەیرە ژ پیغەمبەرى ﷺ فەدگیړیت، گوت: (استوصوا  
 بالنساء خيراً، فإنهن خلقن من ضلع، وإن أعوج شيء في الضلع أعلاه،  
 فإن ذهب تقيمه كسرته) رواه مسلم والبخاري، ئانکو: ئیکدو  
 ئاگەھدارکەن وەسیەتا من بگەھینن و ب جھ بینن، ھەوہ ئەمانەت  
 باشى دگەل ژنان، چونكى ییت ژ پەراسیى ھاتینە چیکرن،

خوارترین جه ژ په راسی لای بلنده، نه گهر تو بچی دا راست بکه ی، دی شکینی [هشیار بی ب خورتی راست نه که ی] البیضاوی. باش د دروونی ژنی بگه هه و تشتی د شیاندا نه بیت ژی داخو از نه که، و بزانه ژن چه واهاتیه چی کړن. هشیار به د فهرمو ویدیا ئیشاره ت یا هه ی کو ژنی بهیله ل سهر خواریا وی د وان کاریت گونه ه تیډا نه بیت، و نه هیله ل سهر خواریا وی نه گهر فی ر ببیته خه له تیه کی گونه ه تیډا هه بیت، هه روه سا سیاسه تا ژنی یا د فهرمو ویدیا دیارکری داخو ازا لی بوری نی ژنی بیته کړن و بی نا خو ل سهر وان و خواریا وان فره ه کهن.

پیغه مبه ر ﷺ د فهرمو وده کا دیدا دی بی ژیت: (لا یفرک مؤمن مؤمنة إن کره منها خلقاً رضی منها آخر) رواه مسلم، ئانکو: زه لام نه فیانی ژ ژنی نه راکه ت ژ بهر ره وشته کی وی کو ببیته نه گهر ژیک دویر که فن ل نک وی یی کریت و خرابه و ل نک ئیکی دی یی جوان و باشه. و پیغه مبه ر ﷺ دی بی ژیت: (ألا واستوصوا بالنساء خیراً، فإنما هن عوان عندکم)، ئانکو: وه سیه تا من ل هه وه بیت، چافی هه وه ل ژنان بیت دگهل وان د باش بن، نه و ئیخسیرن ل دهف هه وه.

به ری خو بده فی وینه یی جوان.. نه ی زه لام هشیار به ژن ئیخسیره ل دهف ته، گه له ک وه کی ئیخسیرایه، یا دل نازکه و بی ده سته ه لاته. فیجا نه رکی زه لامیه دلی وی نه ئی شینیت و مه عنه ویا تی ت وی بلند بکه ت و یی باش و جامی ربیت دگهل وی.

دهمى زهلام داخوازا ليىبوريى ژ ههفژينا خو دکهت و نه گهر  
خهلهتیهك كر بيژيتى ئەز خهلهت بووم، رهوشتهكى گهلهكى  
بلنده، ب تايبهتى دهمى ژن گهلهك توره دبیت.

گهلى خوشتقيان ههردهم ئەز ههوه دزفرينم و بيرا ههوه ل  
ههلويسيتى ژيانا وى دئينم دا بو مه ديار ببیت ژيانامهيا وى رى  
و روناهيه و د ههمى كاروباراندا چاقل وى بكهين و ل ژيانا وى  
بزفرين و بخوينين: ﴿لَقَدْ كَانَ لَكُمْ فِي رَسُولِ اللَّهِ أُسْوَةٌ حَسَنَةٌ لِّمَن  
كَانَ يَرْجُو اللَّهَ وَالْيَوْمَ الْآخِرَ وَذَكَرَ اللَّهَ كَثِيرًا﴾ (الأحزاب: 21)، ئانكو:  
ب سويند پيغه مبهري خودى بو ههوه باشتري نموونه بوو چاقل  
بيته كرن بو وى يى ژ خودى و روژا قيامهتى بترسيت و گهلهك  
زكري خودى بكهت.



### د مالا پيغه مبهريدا

نهسائى د كتيبى خوڤا (عشرة نساء) ژ نههسى فه دگيريت،  
گوت: ههفژينا پيغه مبهري ل سهفه رهكى بوو دگهل پيغه مبهري  
ﷺ، ئەو روژ روژا وى بوو، و ل ريكي فهما و ژ وان دويركهفت،  
پيغه مبهري ﷺ زفري چو بهراهيا وى، ديت يا دكهته گرى و  
دبيژيت: ته ئەز يا ل حيشرتەكا نهزيرەك سوياركريم، پيغه مبهري  
ﷺ چو چره دگهل نهكر، ب دهستيت خو روڤنديت وى فهمالين و  
هاویش دكر، بهلى بى دهنك نهبوو و ههر دكره گرى و پيغه مبهري  
ﷺ ژى عيجز بوو و هيللا، دهمى زفرينهفه سهفيه چو نك

عائیشایى و گۆتى: ئەفرۇ رۇزا مەنە ژ پىغەمبەرى و دۇرا مەن بۇ تە، بەلى تو پىغەمبەرى رازىكە كۆل مەن بېۋرىت و ژ مەن ئاشت بىت - عائیشاىى ب شارەزايى و نەرمى و نازكى سەرەدەرى دگەل بابەتى كر، دەر سۆكەكا رەنگدايى ھەبوو ھەندەك ئافلى رەشانە و چۆ ژۇرا پىغەمبەرى روينشتە نك سەرى وى، پىغەمبەرى گۆتى تە خىرە، ئەفرۇ نە رۇزا تەيە؟ گۆتى: ئەفە كەرەما خوديە دى دەتە وى يى ئەو ھەزكەت و مەسەلە بۇ گۆت و پىغەمبەر رازى بوو و ل سەفيايى بۇرى.

★ نوعمانى كورى بەشىرى خودى ژ ھەردوويان رازى بىت گۆت: ئەبەبەكر ھات دا دەستویریى ژ پىغەمبەرى وەر بگریت و بچیتە ژۇر، ئاگەھ ژ عائیشاىى بوو يا دەنگى خۆل سەر پىغەمبەرى بلند دكەت، پاشى پىغەمبەرى دەستویریى دا و ئەبەبەكر چۆ ژۇر و ب تۆرەيشە گۆتى ھەى كچا دەيكا رۇمانى و شەقەك لى دا و گۆتى تو چەوا دەنگى خۆل سەر پىغەمبەرى خودى بلند دكەى؟! و پىغەمبەر ب لەز ھاتە د نافبەرا واندا، ھەروەكى عائىشا دا پىشت خۆ دا ژ ئەبەبەكرى دویر بىخیت.. پىشتى ئەبەبەكر چۆى، پىغەمبەرى فیا وى رازى بكەت و عىجزيا وى ژى ببەت، گۆتى: تە دىت ئەز بوومە بەرەفان د نافبەرا تە و بابى تەدا، و پىشتى ھەنگى جارەكا دى ئەبەبەكر زفریشە و داخووا دەستویریى كر بچیتە ژۇر، بەرى خۆ دەتە پىغەمبەر ﷺ يى كەنىى وى دىنىت، پىغەمبەرى دەستویریى دايى و چۆ ژۇر، ئەبەبەكرى گۆتى: ئەى





دهیبابیٔ من گۆری ته ببن، تو بۆ من باشتَر و ب خیرتر بووی ژ  
بابی زهرعی بۆ دهیکا زهرعی.

گهلهك نمونهییٔ ههین ژ دیار کرنا قیانی ب کریار، ژ وان:

د سهحیحا موسلمیدا ژ عائیشایی فهدهگیریت، گۆت: ئەز د  
رۆژیٔ خوڤا بووم و من ئافههخوار، پاشی من ئامانی ئافی داف  
پیغه مبهری ﷺ و وی دهفی خو هافیته وی رهخی یی من دهفی  
خو هافیتی و ئافههخوار، چ سهرهدهریهکا جوانه و رهوشتهکی  
بلنده.

و عائیشا دبیژیٔ: من ههستی ب گۆشته ب دهفی دقهروٽ، و  
پیغه مبهری ﷺ ژ من وهرگرت و دهفی خو هافیته شوینا دهفی  
من و گۆشتی مای ژیفه دکر، شوین دهفی عائیشایی دخوار و  
فههخوار خو دهمی ئەو د رۆژیٔ خوڤا زی، ئەفه ههمی ژ بهر  
هندی دا قیان و ههژی کرنا خو ب کریار بۆ دیارکته، و دهرسهکا  
دی ددهته مه کو چو کیماسی نینه ههقرینا زهلامی بهری وی ئافی  
فهخۆت وهك دیار کرنا ههژی کرنی. ههر عائیشا دبیژیٔ:  
پیغه مبهری پالا خو ددا من و قورئان دخواند و ئەز د رۆژیٔ  
خوڤا بووم.

بلا ئەم زی د کاروباریٔ دینی و دنیا ییدا چاقل پیغه مبهری  
بکهین ﷺ.

## سهردهريا پيغمه مبري ﷺ د گهل ئاريشه ييت خيزاني

تشته كي نه ل بهر هزر بوو و بو وان گه له ك يي حيبه تي بوو دهمي  
 هه فژينا وي زاروكه كي رهش بووي و نهو و هه فژينا خو د رهش  
 نه بوون، ئاريشا خو گه هانده پيغمه مبري ﷺ و ههروه كي يي هه فژينا  
 خو ب خرابيي گونه هبار دكهت.

ئه بو هورهيره ﷺ د بيزيت: عه ره به كي دهشتي هاته نك  
 پيغمه مبري ب مهنده هو شيفه گوته: نه ي پيغمه مبري خودي هه فژينا  
 من زاروكه كي رهش يي بووي! پيغمه مبري گوته: ته حيشتر هه نه؟  
 گوته: به لي، گوته: چ رهنگن؟ گوته: سورن، گوته: چ ييت گهور دگهل  
 نينن. گوته: به لي، گوته: بوچي نهو ب وي رهنگينه؟ گوته: دبیت ژ رها  
 رفيشته كا كهفن هاتبيت، گوته: دبیت نه ف كوري ته ژي ژ رها  
 رفيشته كا كهفن هاتبيت.

بارا پتر ئاريشه ييت خيزاني د جفاكييت موسلماناندا، پيغمه مبري  
 ﷺ ييت چاره سهركرين و ييت بو مه بووينه سهرماله كي هه ژي ژ  
 هونه ري سهردهريا دگهل ئاريشا. و هندك ئاريشه ييت ههين دووسي  
 ريكييت چاره سهريي دچني، وهكي:

ئيك: دهمي ئاريشه و نه خوشيان، موسلمان ل زانا و ته قواداران  
 بزقريت و كيشه ييت ئالوز بيي پساركرن تيكفه نه دهت دا نه كه فته  
 د نه خوشي و ئالوزيه كا مه زتردا:

نهو سه حابي كه فته د هه لويسته كيده نه شيا تي بگه هيت و چو  
 چاره سهري بو نه ديتن ژبلي گونه هباركرنا هه فژينا خو، به لي چو

بريار نه دان، و وهسا عيجز ژى نه بوو کو سهرگهرم ببیت و کاره کی  
 خه له ت بکته، ههرچه نده عهره بیته دهشتی بو فان مهسه لا  
 چافیته وان زوی سور دین و د هسکن، به لی زفری جهی پسیاری و  
 ژیدم ری بنه مایته دینی و ئاریشه یا وی چاره سهر بوو. که سی  
 موسلمان د فیته د ته نگا فترین هه لویستدا چو پینگافان ژ نک خو  
 نه هافیه یزیت نه گهر پسیارا خو ب کهس و ئالیته شوله ژی و  
 په یوه نندیدار نه کته. نه بوونا فی تیگه هشتی یا وهل هنده کان  
 کری کچیت خو ئان ژنیت خو ییت کوشتین چونکی گو مان ل سهر  
 هه بوو، و هنده ک ژ گو مان ی گونه هه، و پشته فه کولین و  
 دویف چو نان دیار دبیت هزر و گو مانا وان یا خه له ت بوو و چو  
 راستی بو نه بوو.




### دوو: خه لکی ب زمان و دویف تیگه هشتا وان باخیقن:

و نه فه گه له ک یا گرنگه، دا چاره سهری ل سهر وی بنیاتی نه و تی  
 دگه هیت بیته دانان و کورت فه بریت. پیغه مبه ری ﷺ دگهل  
 عهره بی دهشتی نه فه جو ری چاره سهری بو دیارکر، چونکی نه و یی  
 دگهل حیشران مه زن بووی، نموونا حیشران بو ئینا و ب دورستی  
 تی گه هشت و رازی بوو.

ئها هو سا پیغه مبه ر ﷺ ل دویف تیگه خه لکی و عورف و  
 عه دت و ژیواری وان دگهل دئاخفت، و فی جو ری سهره ده ری پتر  
 وهرگو تن و کارتی کرنا خو هه بوو.

سى: هزرا باشى و خيړى ژ يى بهرامبر بکه: بى بهلکه خهک يى  
بى گونه‌هه:

دقيت چاکساز و پهروددکاری جفاکى ئان ههرکهسى ئهرکى  
چافديړيا خيړانى د دهستدا بيت، هزرا باشى و بى گونه‌هه يى ژ يى  
بهرامبر بکهت، و ئهف رامانه ل دهف زهلام و ههفژينان پهيدا  
ببيت دهمى ليک دکهفن، بلا د هشار بن چو تستان ل سهر گوډمانى  
و هزريت خهلهت ئافا نهکهن. و ئهف رامانه باش يا ئاشکرا بوو د  
سهردهريا پيغه‌مبهريدا دگهل وى زهلامى هزريت خهلهت ژ  
ههفژينا خو دکرن. مخابن گهلهک ييت ههين د قى دهميда د  
ناقبهرا زهلامى و ژنيډا دئازرينن و زهلامى پال دهنه برياره‌کا ب  
لهز و تولفه‌کرنى.

دهمى ئاريشه‌يه‌کا جفاکى هاتبا نک پيغه‌مبهري , لهز لى دکر  
و ههمى که‌سييت په‌يوه‌نديدار گازی دکرن و چو فهرمان و بريارييت  
ب لهز نه‌ددان، و گهلهک سهرهاتى ييت ههين به‌لگه‌نه ل سهر فى  
ئاخفتنى، و ژ وان: ئه‌بوسه‌عيد  دبيژيت: ژنهک هاته نک  
پيغه‌مبهري  و ئهم ل دهف وى د روينشتى بووين، گوټى: ئهى  
پيغه‌مبهري خودى زهلامى من سه‌فوانى کورى مه‌عتلى من  
دقوتيت دهمى ئهز نفیژى دکهم، و دهمى ئهز روژيان دگرم ب من  
ددهته خوارن، و نفیژا سپيډى ناکهت هه‌تا روژ ده‌لييت، و سه‌فوان  
يى دگهل مه روينشتيه، پيغه‌مبهري گوته سه‌فوانى: تو چ دبیژى  
بو ئاخفتنا وى؟ سه‌فوانى گوټ: ئهى پيغه‌مبهري خودى ئاخفتنا

وی (من دقوتیت دهمی ئەز نقیژی دکەم)، ئەو دوو سۆرەتان پشتی فاتحی دخوینیت و من یا گوئی دوو سۆرەتان نەخوینە، پیغەمبەری گوئی: سۆرەتەکا ب تنی تیرا هەمی کەسان هەیه. پاشی گوئی: ئەی پیغەمبەری خودی ئاخفتنا وزی (رۆژیان ب من ددەتە خوارن)، ئەو رۆژییت سونەت ددەتە دویف ئیک و ئەز گەنجم نەشییم خو بگرم. پیغەمبەری ﷺ ل وی رۆژی گوئی: [ لا تصوم امرأة إلا بإذن زوجها ]، ئانکو: نابیت ژن بیی دەستویریا زەلامی خو - رۆژییت سونەت - ب رۆژی بیت. و هەر سەفوان دبیریت: ئاخفتنا وی (نقیژا سپیدی ناکەت هەتا رۆژ دەهەلیت)، ئەز سەرودری خیزانییمە و دوەستییم و هەمی ژ مە دزانن ئەم د خەو گرانی و هشیار نابین هەتا رۆژ دەهەلیت و دبیتە گەرم. ئینا پیغەمبەری گوئی هەردەمی تو هشیار بووی، نقیژا خو بکە. و نموونەیی ژ فی جوژی گەلەکن.

### چار: دانەئاخفتنا خودانی ئاریشی:

ژ هونەریت چارەسەر کرنا ئاریشا، پسار ژ خودانی ئاریشی بیئەکرن و ئەو ب خو باخفیت، نەبەرسف ل سەر بیئە سەپاندن ئان ببینە هەجەت ل سەر وی، دا چو هزریت خەلەت نەکەت. و سەرودەریا پیغەمبەری ﷺ دگەل سەفوانی یا ب وی رەنگی بوو، پیغەمبەری پسار ژی دکرن و وی بەرسف ددان و پیغەمبەری پسار پسار ئاریشا وی چارەسەر دکر کو هزرا خو تیدا بکەت.

## پېنج: شاره زايي د کاروبار ټ خيزانيدا:

گه لهك يا گرنگه بو هر كه سه كي ناري شه يټ جفاكي بي نه  
بهر سينگي وي، شاره زاييه كا باش ب زانستټ په يوه نديا ب  
خيزانيښه هه بيت.

پيغه مبهري ﷺ كي شه يا نه وي كوره كي رهش بو وي ب زانستټ  
قنيات و رفيشتي چاره سهر كر و نهغه سهره دريه كا پيروزه و  
گه لهك زانكو في زانستي دخوينن، و پشه كا تايبه ت يا هه ي ب  
زانستټ خيزاني و تايبه تمه ند ژي دهر دكه فن د شاره زانه ب هه مي  
بياقيټ خيزاني يټ له شي و دهر ووني و جفاكي، و نه گهر  
زانستټ خيزاني ژ لايي نايينيښه ل سهر زيده كړبا، دا گه لهك  
باشتر و ته فكر تر بيت.

## شه ش: شويكرن و ژئنيان ب رازيوونا ههردووان بيت:

نهغه مهرجه كي سهره كيه دا چو ناري شه يټ مه زن د خيزانيدا  
روى نه دهن. عائشا رضي الله عنها د بيژيت: پيغه مبهري ﷺ گوټ:  
(تخيروا لنطفكم وانكحوا الاكفاء وانكحوا اليهم)، نانكو: كچيت  
ديندار و بهر مالا وهك هه فزين هه لبريژرن، و كچيت خو بدنه نه  
كوريت هه ژي و جوامير، و ليك مههر كهن.

هفت: ژ هوکاریت سهرکه فنی بو یی ئاریشه ییت خیزانی  
چاره سهرکه ت یی رهوان و ب ئاخفتن بیت و زوی هزران و هرگرت  
و زوی بهرسفی بدهت دا ئاریشه ئالوز و شیلتر لی نهیت:

ئهو عهره بی دهستی ئهوی هاتیه نك پیغه مبهری، ههفرینا خو  
ب ئاشکرای گونده بار نهکر، بهلی ئهف بیهنه ژ ئاخفتنا وی دهات،  
پیغه مبهری ﷺ ئیکسهر مهرم ژ هزرا وی زانی و نهفیا یا د دلی  
خودا بیژیت.. و ئافا ئهیا وی و ریز و کهرامهتا ههفرینا وی ژ  
پاراست، دا ههستی و ان نههینه بریندار کرن و نههینه سهر هزرا  
وان ژ.

ههشت: ئهوی بقیث ئاریشیت خیزانی چاره سهرکه ت، دقیت  
دهرووناس بیت و بزایت دی ئاخفتنا وی کهنگی و ل کیری و  
چهوا یا کارتیکهر بیت، و ئاخفتنیت وی ییت زفر و ب گازنده و  
تیقله نهبن:

پیغه مبهری ﷺ رهخنه و گازنده ل وی زهلامی نهکرن، ئهوی د  
ناف ئاخفتنا خودا ههروهکی ههفرینا خو گونده بار کری، ئیکسهر  
ئهو ئاخفتن گوت ئهوا ببیته چاره سهری.. دهمی ئیک ل سهر  
گوامانی ئان هزرهکا خهلهت شکیات ی دکهت و راستی بو دیار بوو کو  
وهسا نهوو، بی گوامان بو پاشه روژی ئهو وی خهلهتی ناکهتهفه و  
بی بهلکه هزرا خهلهتی و خرابیی ژ یی بهرامبهری خو ناکهت و  
ل سهر ئافا ناکهت.

## سەرەدەریا پیغەمبەری ﷺ دگەل ھەقالییت وی

یئ ئاگەھدار ل سەر ژیانناما پیغەمبەری ﷺ، دئ بینیت گەلەك ريك و شیواز ییت ب کار ئیناین بو سەرەدەریی دگەل ھەقالییت خو، دا پتر بەری وان بدەتە کاریت چاک و رەوشتییت پاک و ب بەا، ژ وان شیوازان: ھاندان و ل بەر خوشرن کو دەینە ھەژمارتن ژ ستوینییت سەرەکی ییت پەرورەدە و فیڕکرنی. خودی د قورنانا پیرۆزدا دبیزیت: ﴿لَقَدْ كَانَ لَكُمْ فِي رَسُولِ اللَّهِ أُسْوَةٌ حَسَنَةٌ لِّمَن كَانَ يَرْجُو اللَّهَ وَالْيَوْمَ الْآخِرَ وَذَكَرَ اللَّهَ كَثِيرًا﴾ (الأحزاب: 21)، ئانکو: ب سویند پیغەمبەری خودی بو ھەوہ باشترین نموونە بوو چاف لی بیته کرن بو وی یی ژ خودی و روژا قیامەتی بترسیت و گەلەك زکری خودی بکەت.

ژ سیماییت پیغەمبەری ﷺ مەدحییت ھەقالییت خو ییت سەرکەفتی دکر، دەمی ژ (غزوة الغابة) زفرین، پەسنا ھەردوو قەھرەمانییت وی شەری کر و گووت: ئەفرۆ باشترین سویاریت مە ئەبو قەتادەییە، و باشترین زەلامییت مە (سلمة بن الأكوع)ە، و دەستی خو ل سینگی ئوبەیی کوری کەعبی دا و گووتی: دئ زانین ژیا نا تە خوشر کەت (أبا المنذر).

و ژ پەسنییت وی بو مروفییت سەرکەفتی، ناسنافی بو ددانان، ناسنافی ئەبو عوبەیدە کربوو (أمین الأمة) ئانکو: ئەمینداری ئوممەتی. و ناسنافی ئیبن مەسعودی (غلام معلم) ئانکو: گەنجی ماموستا، و ناسنافی زوبەیری (حواري الرسول) ئانکو: دلسوز و پیگر ب ریکا پیغەمبەری، ناسنافی ھەسەن و ھوسەینان (سیدا



شباب أهل الجنة) ئانكو: مهزنيٓت گهنجيٓت خهلكيٓ بهحهشتيٓ. فان ناسنافان ريٓز و پيرؤزيا خوٓ هه‌بوو، چونكي وهك باوهرنامهيان بوون ژ پيٓغه‌مبهري.

چه‌ند نموونه‌ييٓت شيٓوازيٓ هانندان و لبه‌ر خوٓشكرنيٓ يٓ پيٓغه‌مبهري دگهل هه‌قاليتٓ خوٓ ب كار ئيناي:

(1) ئوبه‌ييٓ كوريٓ كه‌عبي دبيٓژيت: پيٓغه‌مبهري ﷺ گوٓت: (يا أبا منذر أتدري أي آية من كتاب الله معك أعظم؟) گوٓت: من گوٓتي: ﴿اللَّهُ لَا إِلَهَ إِلَّا هُوَ الْحَيُّ الْقَيُّومُ...﴾ گوٓت: ده‌ستيٓ خوٓ ل سينگيٓ من دا و گوٓت: (والله ليهنك العلم أبا منذر) رواه مسلم، ئانكو: ئه‌ز ب خوديٓ سويند دخوٓم ديٓ زانين ژيانا ته خوٓش كه‌ت.

نه‌وه‌وي دبيٓژيت: گوٓتنا پيٓغه‌مبهري بوٓ (أبي منذر) (والله ليهنك العلم أبا منذر) پله‌يه‌كا گه‌له‌كا بلنده بوٓ ئوبه‌ي، و نيشانيٓ زانينا وي يا به‌ر‌فره‌هه و بلندكرنا پله‌يا زانايه. و دورسته مروٓفل نك ئيكي مه‌دحيٓت وي بكه‌ت ئه‌گه‌ر مه‌ره‌مه‌كا باشيٓ پيٓ هه‌بيت و ژيٓ نه‌ترسيت كو ديٓ ب زيره‌كيا خوٓ ئان ب زانينا خوٓ ئان ته‌قوا خوٓ مه‌غرور بيت.

(2) روٓژا شه‌ريٓ ئو‌خوديٓ پيٓغه‌مبهري ﷺ گوٓته ته‌لحه‌ييٓ كوريٓ عوبه‌يدوللاي: (أوجب طلحة)، ئانكو: به‌حه‌شت بوٓ ته واجب بوو چونكي ته‌لحه‌ي د شه‌ريدا ده‌ستيٓ خوٓ دابوو به‌ر پيٓغه‌مبهري و پاراستبوو و دربه‌ك ب ده‌ستيٓ وي كه‌فتبوو و فالنجي ببوو.

(3) پیغمه مبهري ﷺ گوٽ: (من جهاز جيش العسرة فله الجنة، ف جاء عثمان بن عفان بألف دينار فصبها في حجر النبي ﷺ والنبي ﷺ يقول: ما ضر ابن عفان ما عمل بعد اليوم)، ئانكو: يى له شكهري (العسرة) به رهه ف بكهت و ب رى بيخيت به حهشت بو و به. عوسمانى كورى عهفانى هات و هزار ديناريت زيرى فالاكرنه بهر سينگى پيغمه مبهري ﷺ و پيغمه مبهري گوٽ: كورى عهفانى كاره كى باش كر، ژ نوكه ويقه چ تشتى بكهت، خودى لى ناگريت و گهرده نا وى يا نازاكرى.

(4) سههلى كورى سهعهدى ﷺ دبيريت: پيغمه مبهري ﷺ گوٽ: (أنا وكافل اليتيم في الجنة هكذا وأشار بالسبابة والوسطى وفرج بينهما) رواه البخاري. (ابن بطال) دبيريت: ئهركه ل سهر ههر كه سهكى ئاگهه ژ فى فهرموودى بيت، كارى بو بكهت دا ببيت هه فالى پيغمه مبهري ل به حهشتى، و د ئاخره تيدا چو پله ژ فى باشر نينن.

(5) ئه بو هورهيره ﷺ دبيريت: پسيار ژ پيغمه مبهري ﷺ هاته كرن: ئه ي پيغمه مبهري خودى كى ژ هه مى مروٺان به خته وهرتره ب مههدمرا ته روژا قيامه تي؟ گوٽ: ئه ي ئه با هورهيره من ئه ف هزره دكر كهس بهرى ته پسيارا فى فهرموودى ژ من نه كهت ژ بهر رژديا ته ل سهر فهرمووده يان، و به خته وهرترين كهس ب شه فاعه تا من روژا قيامه تي يى ژ دل و دمروونه كى زه لال و ژ هه مى دلى خو بيزيت (لا إله إلا الله).

(6) ئەبو ھورەيرە رضي الله عنه دېيىت: پېغەمبەرى ﷺ گۆت: (من أصبح منكم اليوم صائماً) ئانكو: كى ژ ھەوۈ ئەفرۆ يى ب روژيە؟ ئەبوبەكرى گۆتى ئەز. گۆت: (فمن تبع منكم اليوم جنازة؟) ئانكو: كى ژ ھەوۈ ئەفرۆ دويف جەنازەكىرا چۆيە و بريە گۆرستانى؟ ئەبوبەكرى گۆت: ئەز. گۆت: (فمن أطعم منكم اليوم مسكيناً؟) ئانكو: كى ژ ھەوۈ ئەفرۆ خوارنەك دايە ھەزارەكى؟ ئەبوبەكرى گۆت: ئەز. گۆت: (فمن عاد منكم مريضاً؟) ئانكو: كى ژ ھەوۈ ئەفرۆ سەرا نەساخەكى دايە؟ ئەبوبەكرى گۆت: من. ئينا پېغەمبەرى ﷺ گۆت: (ما اجتمعن في امرئ إلا دخل الجنة) رواه مسلم، ئانكو: ھەر مروفەكى د روژەكىدا ئەف كارە ھەمى ل دەف وى پەيدا بىن، بى گۆمان دى چىتە بەحەشتى.

## سەرەدەريا پېغەمبەرى ﷺ دگەل پير و دانعه مران

د فان سالیّت دویماهییدا وەلاتیّت جیهانی گرنگیه کا بەرچاڤ ددەنە پیر و دانعه مران، و جڤاکا دەولەتی چەند پېنگاڤیّت هافیتیّن د قی بیافییدا ژ کۆنگره و کۆربەندیّت جیهانی بو بەحسکرنا کیشەییّت دانعه مران.

سالا (1982) ئی ئیکەمین پېنگاڤا جیهانا پېشکەفتی بوو بو چاڤدیڤریا دانعه مران. نەتەویدیّت ئیکگرتی (UN) د کۆمبونا نوینەریّت (124) دەولەتاندا راگەهاند:


سالیّت (1980-1990) ئی دەهکیّت دانعه مرانە.. سالا (1983) ئی ریکخراوا ساخلەمیا جیهانی درویشمی: (دا ژیانى ل سەر سالیّت ژیا زیدەکەین) بلند کربوو، کۆنگری (UN) ئەوئ سالا (2002) ئی ل مەدرید هاتیە گریدان نەخشەیه ک بەرھەڤ کر و کرە ئەرکى خۆ بو چارەسەرکرنا ئاریشەییّت دانعه مران ل هەمی وەلاتیّت جیهانی. و ئەو کۆنگره د راستیا خۆدا وەکی کۆربەندیّت هزری بوون، گۆتنيّت بى کريار بوون و چو نەخشە ب جە نەئیان. و یاباشتر و دورستتر د وان کۆنگرهیاندا بەرنامى پېغەمبەرى ئیسلامى خواندبا و زانیبا کا چەوا بەرنامەیی چاڤدیڤریا دانعه مران ب کريار هاتیە دانان. پېغەمبەرى دلوفانیی پېشەنگ بوو د قی بیافییدا، و ژیدەرە بو چاڤلیکرنى و ژى وەرگرتنى د هەمی کاروباریّت چاڤدیڤریا دانعه مراندا. بەرنامى چاڤدیڤریا دانعه مران د ئیسلامییدا، ژ پالەدرەکی مروڤاتیییە، بیى

جوداكرن د نافبهرا دانعهمراندا كا چ رهگهز و رهنك و نتهوه و  
 ئايينه. ئىسلام ياساييٲ چاقدىريا دانعهمران ل دويىف چو  
 پيشهريٲ رهگهزى ئان نهتهوهيى نادانيت، ههروهكى نوكه ل  
 هندهك وهلاتيٲ. جيهانا پيشكهفتى - نهفه يا ههى.

خوزى نهفى - جيهانا پيشكهفتى - بهريٲ خو دابا بهرنامهيٲ  
 پيغهمبهريٲ ئىسلامى دگهل دانعهمران، هههى دانعهمران، ييٲ  
 رهش و ييٲ سى، عهرهه و نهعهرهه، موسلمان و نههموسلمان!

ژ بنه ماييٲ ئىسلامى ييٲ چاقدىريا دانعهمران:

**ئيٲك: داخوازكرن ژ گه نجان ريٲزى ل دانعهمران بگرن:**


نه نه سى كورىٲ مالكى  دبيٲريٲ: پيغهمبهريٲ ﷺ گوٲ:  
 (ما اكرم شاب شيخا لسنه إلا قيض الله له من يكرمه عند سنه)  
 رواه الترمذي، ئانكو: هه ره گه نه كهى ريٲزى ل دانعهمرهكى بگريٲ  
 ژ بهر ژيى وي، بى گوٲمان دى خودى بو وي ئيٲكى پهيداكهٲ ريٲزى  
 ل وي بگريٲ دههى پير دبيٲ.

ئها هوٲسا وهسيه تا ل گه نه جيٲ حقاكى كرى چافى خو بده نه  
 دانعهمران، گه نه جيٲ نه فرؤ دانعهمرىٲ سوبه هينه، و وهسيه تا  
 پيغهمبهريٲ دى يا بهردهوام بيت بابك بو بابكى هيٲه فهگوهاستن  
 و كار پى هيٲه كرن و مزگينه كا دفى فهرموو ديٲدا ههى بو  
 گه نهجى كو دى ژيى وي ژى دريٲر بيت و دى گه نه كه هه بيت ريٲزى  
 ل وي بگريٲ، و نهو هاريكارى و قه نهجيا دگهل ته دئيٲه كرن ژ وي  
 جوٲريه يا ته دگهل دانعهمرهكى كرى دههى تو گه نهج.

بهري خۇ بدە فى تەڧگريى: (ما اكرم شاب شيخا) ئانكو: ھەر گەنجەكى ريزى ل دانعەمرەكى بگريت، ھەر دانعەمرەكى بيت، چ رەنگ بيت، چ ئايىن بيت، چ نەتەوہ بيت. موسلمان دڧيت ريزى ل دانعەمرى بگريت بىى بهري خۇ بدەتە ھزر و بير و ودلات و رەنگى وى.

ھەروەكى ئەنەسى كورى مالكى ڧەرموودەكى ژ پيغەمبەرى ﷺ ڧەدگوھيزيت، گۆت: (والذي نفسي بيده، لا يضع الله رحمته إلا على رحيم) گۆتنى ئەى پيغەمبەرى خودى ئەم ھەمى د دلۇڧانىن، گۆتى: (ليس برحمة احدكم صاحبه.. يرحم الناس كافة) رواه أبو يعلى الموصلي. ئانكو: ئەز ب وى كەم يى نەڧسا من ددەستيدا خودى دى دلۇڧانىى ب وى بەت يى دلۇڧان. گۆتنى: ئەى پيغەمبەرى خودى ئەم ھەمى د دلۇڧانىن، گۆتى: ئەو دلۇڧانيا تو ب ھەڧالى خۇ ببەى - ئەويىت تو دگەل دژى - بەس نينە، دلۇڧانىى ب ھەمى مروڧان ببەى. يى موسلمان دلۇڧانىى ب ھەميان دبەت، دانعە مر و زاروكان، موسلمان و نەموسلمانان.

### دوو: ريزگرتنا دانعەمران مەزن راگرتنا خودييه:

ئەبو موسايى ئەشعەرى  دىيىت: پيغەمبەرى ﷺ گۆت: (إن من إجلال الله إكرام ذي الشيبة المسلم، وحامل القرآن غير الغالي فيه والجافي عنه وإكرام ذي السلطان المقسط) رواه أبو داوود. ئانكو: ژ ريزگرتنا خودييه، ريز ل دانعەمرى موسلمان، و يى شارەزا ب

زانستیت قورئانی، نهیی قورئان ب هسکی و شدیایی گرتی، و نه  
یی ب سستی گرتی و ژئی دویرکهفتی و ریژ ل خودان دهستهلاتی  
دادپهروهه ریته گرتن.

ریژگرتنا دانعهمران ژ مهزن راگرتنا خودییه، پیکفه  
گریدانهکه د نافبهرا ریژگرتنا چیکریان و ریژگرتنا چیکه ری  
همی تستان، د نافبهرا خودی مهزن و خودان شیان و دانعهمری  
لاواز و بی هیژدا. نیشانهک دیارکر کو ریژ ل خودانی وی نیشانی  
بیته گرتن، نهو نیشان پیرییه، و نهفه دبیته نهرك ل سهه  
ههركهسهکی فی نیشانی ل نك مروقهکی ببینیت، ریژی لی بگریت  
و هاریکاریا وی بکعت. بهری خو بدی چهوا دانعهمر و ههلگری  
قورئانی - یی قورئان ژبهرگری و تییدا شارهزا - و دهستهلاتداری  
دادپهروهه ییت کویم کرین، و دانعهمر یی ئینایه پییشی، ههروهکی  
یی دبیزیته ته: کا تو چهوا ریژی ل سهروکی و دهستهلاتداری  
دگری، وهسا ریژی ل دانعهمری ژی بگره، کا تو چهوا ریژی ل  
زانایی د زانستیت قورئانییدا شارهزا دگری وهسا ریژی ل دانعهمری  
بگره. و مههم ژ (اکرام ژی الشیبه المسلم) ئانکو: ریژگرتنا  
دانعهمری موسلمان، بهحسی ههمی ریژگرتن و چاقدیریایه،  
چاقدیریا ساخلهمی، دهروونی، جفاکی، ئابوری، فیړکرن و  
دهوشهنبیری و ... هتد.

سى: نه ژ موسلمانايه يى ريزى ل دانعهمران نهگريت:

عبدالوللايى كورى عهرو ژ پيغهمبهري ﷺ فهدگوهيڙيت،  
گوت: (ليس منا من لم يرحم صغيرنا ويوقر كبيرنا) رواه الترمذي،  
نانكو: نه ژ مهيه يى دلوفانيى ب بچويكىت مه نهبهت و ريزى ل  
دانعهمريت مه نهگريت. ئهويت ريزى ل مهزنان نهگرن هندهك  
كهسن ژ دهرفهى جفاكى موسلمانان، و پيغهمبهري ﷺ يا خو ژى  
تهبرى كرى، پهيقا پيغهمبهري (يوقر كبيرنا) نانكو: ريزى ل  
مهزنى مه.. نهگوته ريزى ل مهزنى، ئهفه بريارهكه ههر  
زيدهگافى و زوردارى ل سهر مهزنى بيته كرن ب كريار ئان ب  
گوتن ئان ب ئيشارعت، زورداريه ل سهر جوړهكى كهسانه  
پيغهمبهري ب خوڤه گريډاي (مهزنى مه).

چار: سلافكرنا يى بچويك ل يى مهزن:

ئهبوهورهيره ژ پيغهمبهري ﷺ فهدگوهيڙيت، گوت: (يسلم  
الصغير على الكبير، والمار على القاعد، والقليل على الكثير) رواه  
البخاري. نانكو: يى بچويك دى سلاف كهته يى مهزن، و يى دبوري  
دى سلاف كهته يى روينشتى، و ييت پيجهك دى سلاف كهته ييت  
كهلهك.

ئهف نمونهييت بچويك ييت ب كريار كرنه بريار، كو ريځخستنا  
زهوق و پهيوهنديت جفاكى ييت گشتينه، وهك پيغههرهكى  
رهوشتى و سهردهريى ژ ريزگرتنا يى مهزن و دانعهمر دهسپيكر و  
بوو بهندى ئيكي ژ ئهتيكييت ئيسلامى. مادهم ل سهر زاروكيه



سلاڤ كەت، دقئیت د هەمی بیافییت دی ژى دا زارۆك یى دەسپیشخەربیت بۆ ھاریکاریا یى مەزن، سەرا یى مەزن بەدت، پسیرا خو پى بکەت، پسیرا وی بکەت، و... ەتد.

**پینج: پیشخستنا یى مەزن و دانەمر وەك ریزگرتەكا گشتی:**

ئەبوبەكرى شافعى ژ پیغه مبهرى ﷺ قەدگوهیژیت، گۆت: (أمرنى جبریل أن أقدم الاكابر)، ئانكو: جبریلی فەرمان یا ل من كرى ئەز ییت مەزن و گرگرە پیش بیخم. و ئەقە بنەمایەكى گشتیە كو ییت مەزن و دانەمر بەدەینە پیشیا خو ل جھ و دەلیقەییٹ ریزگرتنى بگشتی. و پیغه مبهر ﷺ دیژیت: (ابدأوا بالكبراء - أو قال - بالاكابر) أخرجه أبو يعلى، ئانكو: دەمى خواری و قەخواری دگێرین، ژ ییت مەزن دەست پى بکەن. و ئەقە د ژيانا پیغه مبهردا ﷺ یا بوویە کریار، عائیشا دیژیت: پیغه مبهرى سیواك د دانئیت خو ددا و دوو زەلام ل نك وی بوون، و ھەردووین سیواكى وی دقیا، وەحى بۆ ھات سیواكى بەدتە یى ب عەمریقە مەزنتر.

عەبدوللایى كورئ كەعبى دیژیت: دەمى پیغه مبهرى ﷺ سیواك ب كار ئینابا، دا دەتە وی یى ب عەمریقە ژ ھەمیان مەزنتر. و دەمى ئاف ب ئامانەكى قەخواریا، دا دەتە یى دەستى خو یى راستى. (ابن بطلال) دیژیت: پیشخستنا یى مەزن د سیواکیدا و د خواری و قەخواریدا و د ریقەچۆن و ئاخفتنیدا. (الألباني السلسلة الصحيحة) ھەروەسا فەرمانا ھاتیە كرن یى دانەمر بەدەنە

پیشیا خو بۆ نقيژى. مالكى كورى حوهيرسى ژ پيغه مبهري ﷺ  
 فه دگوھيزيت، گوت: (فاذا حضرت الصلاة فليؤذن لكم أحدكم و  
 ليؤمكم أكبركم) صحيح البخاري. و ئەفە نابيتە ريگر بۆ فەرموودا  
 دبيژيت: بلا يى پتر قورئان ژ بهرگري بجيتە پيش. چونكى ئە فە  
 هەردوو ييت هاتينه كۆمكرن د فەرموودا (أبو مسعود الأنصاري) ژ  
 پيغه مبهري فەگوھاستى، گوت: (يَوْمَ الْقَوْمِ أَقْرَهُمْ لِكِتَابِ اللَّهِ  
 وَأَقْدَمَهُمْ قِرَاءَةً، فَإِنْ كَانَتْ قِرَائَتُهُمْ سَوَاءً فَلْيُؤْمَهُمْ أَقْدَمُهُمْ هَجْرَةً،  
 فَإِنْ كَانُوا فِي الْهَجْرَةِ سَوَاءً فَأَكْبَرُهُمْ سَنَاءً..) صحيح مسلم. ئانكو: ئەو  
 دى نقيژى ل پيشيا هەوە كەت يى باشتر قورئانى بخوينيت و يى  
 بەرى هەميا خواندى، ئەگەر خواندنا وان وەكى ئيك بيت، يى  
 بەرى هەميان مشەخت بووى، ئەگەر د مشەختبوونىدا ژى وەكى  
 ئيك بوون، يى ژ وان هەميان ب عەمرتر.

و ل دويف بنەماييت پيغه مبهري ﷺ، يى مەزن مافى هەمى  
 بەرى ييت دى باخقيت و دەست ب دان و ستاندى بکەت. دەمى  
 موسلمان چۆينه خەيبەرى، هەندەك ژ وان بەلاڤ ببوونە ناف  
 دارقەسپان و عەبدوللايى كورى سەھلى هاتە كوشتن، ئينا دوو  
 كوريت وى و برايى وى عەبدلرەحمان هاتنە نك پيغه مبهري،  
 عەبدلرەحمان يى بجويكتري بوو و دەست ب ئاخفتنى كر، ئينا  
 پيغه مبهري ﷺ گوتى (كبر الكبر)، ئانكو: يى مەزن مەزن بکە، و  
 بلا ئەو باخقيت.

شەش: سەفکەرن ل سەر دانەمەران د ئەحکامی شریعەتیدا:

ئەحکامی شریعەتی د ئیسلامیدا بنەماییت سەفکەرنی ییت داناین بۆ بەرچاڤ وەرگرتنا ییت نەچار، وەکی دانەمەران.. و یا دیارە د بارا پتر حوکمی شەریعەتیدا یا ل سەر دانەمەری هاتیە سەفکەرن د کەفارەت و فەرز و واجباندا.

سەفکەرنا سەر دانەمەری د کەفارەتاندا، چیرۆکا (خولە بنت ثعلبە) ئەوا د سۆرەتا (المجادلە) دا هاتی باشتەین بەلگەیه، دەمی زەلامی وی (اوس بن صامت) - پیرەکی دانەمەر بوو - کەفتیه د گونەها پشەتدانا ژنیدا و ل خو حەرام کری و پاشی پەشیمان بووی، و حوکمی شەریعی یی گشتی بۆ پیڤەمبەری ﷺ هاتە خوار:

﴿وَالَّذِينَ يُظَاهِرُونَ مِنْ نِسَائِهِمْ ثُمَّ يَعُودُونَ لِمَا قَالُوا فَتَحْرِيرُ رَقَبَةٍ مِنْ قَبْلِ أَنْ يَتَمَاسَا ذَلِكَ تَوْعَظُونَ بِهِ وَاللَّهُ بِمَا تَعْمَلُونَ خَبِيرٌ \* فَمَنْ لَمْ يَجِدْ فَصِيَامَ شَهْرَيْنِ مُتَتَابِعَيْنِ مِنْ قَبْلِ أَنْ يَتَمَاسَا فَمَنْ لَمْ يَسْتَطِعْ فَاِطْعَامُ سِتِّينَ مِسْكِينًا ذَلِكَ لِتُؤْمِنُوا بِاللَّهِ وَرَسُولِهِ وَتِلْكَ حُدُودُ اللَّهِ وَلِلْكَافِرِينَ عَذَابٌ أَلِيمٌ﴾ (المجادلە: 3-4).

وەکی دەیکا من ل من حەرام بی و پاشی پەشیمان دبن و لیڤە دبن، فیجا بەری ئەو بچنە نفینا خو دفتیت کۆلەیهکی [چ ژن بیت چ میڕ] نازا بکەن، ئەمری هەو بە فی برپاری دئیته کرن [دا هوین فی ئاخفتنی نەکەن] و هوین چ بکەن خودی پی ئاگەهدارە. و یی کۆلە نەدیت و بە دەست نەکەفت، فیجا هیژ نەچۆینە نفینا ئیک و

دو، بلا دو هه یقان ل سهریك ب روژی بیت، و یی نه شیا بلا زادی  
 بدهته شیست به لنگازان، ئەفه بۆ هندییه دا هوین باوهریی ب  
 خودی و پیغه مبهری وی بینن، و ئەفه توخیب و بریاریت  
 خودینه، و گاوران ئیزایه کا ب ژان و دژوار یا هه ی.

پیغه مبهری ﷺ گۆته خه ولایی: بیژر زهلامی خو بلا عه بدهکی  
 ئازا بکهت، ئینا داخوازا سفکرنا سزای کر سهر زهلامی خو، گۆتی:  
 بلا دوو هه یقان سهریك ب روژی بیت، گۆتی: ب خودی نه شیست  
 بگریت پیره میهرکی دانعه مره، گۆتی: بلا خوارنی بدهته شیست  
 به لنگازان دگهل ئامانه کی قه سپا، گۆتی: ئە ی پیغه مبهری خودی  
 وی ئەفه ژ ی نینه، پیغه مبهری دلوفانیی گۆتی: ئەم دی هاریکاریا  
 وی کهین و فی ئامانی قه سپا بدهته خیزانه کا هه ژار و بی خودان،  
 ژنی گۆتی: کهس ژ زاروکیت مه هه ژارتر و بی خودانتر نینه،  
 پیغه مبهر گرئزی و گۆتی: ههره ببه بلا بدهته زاروکیت خو، و  
 وهسیهت ل وی ژنا گهنج کرن کو چافی خو بدهته زهلامی خو یی  
 دانعه مر و یا بۆ باش بیت: (استوصی باین عمک خیرا).

د فه رزاندا: ری یا دایه دانعه مری ئەگهر بۆ وی یا ب زهحمهت  
 بوو روژییت رهمه زانی نه گریت و پیش ههر روژییه کیفه خوارنی  
 بدهته دوو هه ژاران، و ئەگهر شپیا قه بۆ وی یا ب زهحمهت بوو،  
 روینشتی نفیژی بکهت، و ئەگهر روینشتی ژ ی یا ب زهحمهت بوو،  
 دریژکری بکهت، کا چهوا دشیست، وهسا بکهت.

جارهكی پیغمبهر ﷺ توند دگهل مهعازئ كورئ جهبهلى  
 ناخفت دهمئ ل پيشيا خهلكى نقيژ دكر و نقيژا خو دريژكرى و  
 نهوئ پشت وى وهستياين و گازندا خو بريه نك پيغمبهرى،  
 پيغمبهرى ﷺ گوٽئ: (يامعد أفتان أنت [سئ جاران دوبارهكر]  
 فلولاً صليت بسبح اسم ربك والشمس وضحاها والليل إذا يغشى،  
 فانه يصلي ورائك الكبير والضعيف وذو الحاجة) صحيح البخاري.  
 ئانكو: سئ جاران ل دويف ئئ گوٽئ: ئهى مهعاز تو ئاريشهيان د  
 ناف موسلماناندا پهيدا دكهئ؟ بلا ته سورتهٽ (سبح اسم ربك) و  
 (والشمس وضحاها) و (والليل إذا يغشى) خواندبان، چونكى يئ  
 دانعهمر و يئ لاواز و يئ تهنگاف و خودان كار پشت ته نقيژئ  
 دكهن.

رئ يا هاتيه دان بو دانعهمرئ نهشئ بجيٽه حهجئ، كهسهكى  
 دى يئ بو خو چوبيتته حهجئ پيش خوڤه فريكهٽ. ژنهك هاته  
 دهف پيغمبهرى و گوٽئ: (يا رسول الله إن أبي شيخ كبير عليه  
 فريضة الله في الحج وهو لا يستطيع أن يستوي على ظهر بعيره،  
 فقال لها النبي [فحجي عنه]) صحيح البخاري، ئانكو: ئهى  
 پيغمبهرئ خودئ بابئ من پيرهكئ دانعهمره و فهرزا حهجئ يا ل  
 سهر و نهشئ خو ل سهر پشتا دهوارى بگريت، ئينا پيغمبهرى  
 گوٽئ: تو پيش ويڤه بو ههره حهجئ.

حهفت: قهدهر کرنا دانعهمران ژ نهخوشی و کارهساتیت شهران، کو نههینه کوشتن:

بنه مایهکی دی یی رهوشتان ژ بنه ماییت شریعهتی پیرۆز، پیغه مبهری ﷺ ودهسیت ل هه قالیت خو و سه رکردیت لهشکه ری دکر: (انطلقوا باسم الله، وعلى ملة رسول الله، لا تقتلوا شیخاً أو فانیاً ولا طفلاً ولا صغیراً، ولا إمراً، ولا تغلوا، واصلحوا، واحسنوا، فان الله يحب المحسنين)، ئانکو: ب نافئ خودی ب ری بکهفن، و پشتا خو ب خودی راست کهن، ژ پهیرهوی ئوممهتا پیغه مبهری دهر نه کهفن، و پیر و دانعهمر و زارۆک و بچویک و ژنان نه کوژن، د هسک و توند نه بن، هه وه ئه مانهت چاکی و باشی، بی گو مان خودی هه ژ مروفتیت چاکخواز دکهت. ئه فه فهرمانه که ژ پیغه مبهری ﷺ کو بهر هنگاری پیر و دانعهمر و ژن و زارۆکان نه بن، چونکی ئه وه نه شه رکهرن و نه شین چه کی راکه ن، لهوا ژ چارچوئی شهر ی و کوشتنی قهدهر کرن. و ئه فه دویماهی دهستکه فته ره یکه فتنیت دهولی گه هشتینی، ب تایبه تی ریکه فتنه جنیف یا پاراستنا ها ولاتییت مهدهنی، کو ل (12/8/1949) ی هاتیه مۆر کرن، به لی ئه وه ژ ی وهکی ریکه فتنیت بهری وی ب تنی بریاره و نه بوویه کریار. و ئه م یی دبیین زارۆک و ژن و پیر دهینه کوشتن و قرکرن ب هه می جوړیت چه کی، یی قهدهغه کری ژ ی ژ لایئ جفاکا دهوله تی، وهکی چه کی ژهراوی، کیمیایی، و بایولوژی، و ژبلی چه کی کۆمکوژ یی ویرانکه ر وهکی چه کی

نافوکی. دئ بینی ژ لایه کی شه دکهنه گازی بو ریکه فتنه کی د  
 بهر ژمه و هندیا ناشتی و مروقاتییدا، و ژ لایه کی دیشه چاقیت خو ل  
 کریاریت خو ئان کریاریت ئیک و دوو دنقینن بو کوشتن و  
 ویرانکرنا جفاکان ب ریکیٔ هؤانه تر.

### ژ نمونه ییٔ دلوقانیا پیغه مبهری ﷺ دگهل دانعه مران

نمونه ییٔ ب کریار ژ ژیاننما پیغه مبهری ﷺ دیار دکهت کا  
 سه رده ریا وی دگهل دانعه مران یاچه و بوو.. دا بینی یی ب ریژ و  
 قه درگرتن یی گوھی خو دده ته پیره می ره کی نه موسلمان، یی  
 موشرک، و بزاقی دکهن بو بهردانا دانعه مره کی قورهشیان ئیخسیر  
 کری، و دهست ژ هندهک مافیٔ خو به ردهت بو ئازادکرنا وی  
 ئیخسیری پیر، و دبینیت یی ئاخفتن خو ش و ترانه کهر بوو دگهل  
 پیران و دگوتی هه ره سه روبه ری خو پاقر و جوان بکه.

### ئیک: گوهدانا وی ب ریژ و قه در بو ئاخفتنا عوتبه ی:


عوتبه یی کوری ره بیعه ی ل سالیٔ مه که هی هاته نک پیغه مبهری  
 و بو دئاخفت وهک پیکول دا دهست ژ دینی خو به ردهت و دگوتی:  
 (تو باشتری ئان عه بدوللا؟ تو باشتری ئان عه بدولته لب؟) و چیرا  
 خو دگهل دریژ دکر و پیغه مبهری به رسقا وی نه ددا وهک ریژ بو  
 پیریا وی و به رسقا وی نه ددا ژ بهر نه زانین و بی فامیا وی. و  
 عوتبه ی دگوتی: ئه گهر تو بیژی ئه و ژ ته باشتر بوون، وان ئه ف  
 بوته ییٔ په راستین، ئه گهر تو بیژی: ئه ز ژ وان باشترم، کیم کهس

يَيْت ههين گوھى خۆ بدەنە فى ئاخفتنا تە و باوەرى ب تە بينن،  
تە ئەم يېت د ناف عەرەبانددا شەرمزار کرين، هەتا ناف وان بەلاق  
بوو کو سحر بەندەك ئان کاهنەك يى ژ ناف قورەيشيان رابووى، تە  
دفييت ئەم ب شيران ب نافيک بکەفين هەتا ئيک و دوو دبرينين.  
دەمى عوتبەى ئەف ريز و قەدریت تمام ژ پيغەمبەرى ﷺ ديتين،  
ئاخفتنا خۆ يا دژوار سست کر و گوټى: برازا.. ئەگەر ئەو تشتى  
تو دبیژى مەرەما تە پارەبن، دى هند پارا بو تە کو م کەين تو ژ  
مە هەميان زەنگينتر لى بىي، و ئەگەر تە مەزناهى بقیيت دى تە  
کەينه مەزنى خۆ و دى هەمى فەرمانیيت تە ب جە ئينين، و  
ئەگەر تە مولک و ئەرد بقیين. دى هندی دەينه تە، تە ژ مە پتر  
هەبيت، و ئەگەر ئەفا بو تە دەيت هزرەکە (ديناتى ئان هنگافتنا  
ئەجنايه) تو نەشیى ژ خۆ بدەيه پاش، دى گازی نوژداران کەين و  
ژ پاريت خۆ مەزيخين هەتا چى دبیهفە. و عوتبەى ئەف ئاخفتنا  
خۆ دگەل پيغەمبەرى هەر دريژ دکر و گوټنييت نەهەزى و زقر ژى  
دگوټن و پيغەمبەرى ﷺ گوھى خۆ ددایى و ريز لى دگرت هەتا  
ئاخفتنا خۆ ب دويماهى ئيناي، ژ نوى پيغەمبەرى ب ئاخفتنەکا  
خوش و نەرم گوټى: بابى وهليدى ئاخفتنا تە ب دويماهى هات؟  
گوټى: بەلى. گوټى: گوھى خۆ بدە من. گوټى بيژە پيغەمبەرى ﷺ  
سۆرەتا (فصلت) بو خواند.



**دوو: پیکۆل و بزاقیت وی بو بهردانا ئیخسیره کی پیر یی دانعه مر:**

دهمی ل شهرئ بهدرئ عه مرویی کورئ ئه بوسفیانئ کورئ حهربی  
هاتیه ئیخسیر کرن و کهفتیه د دهستی موسلماناندا، جابا  
ئه بوسفیانئ هنارت گۆتئ: کورئ ته عه مرو ئیخسیره پارا فریکه دا  
بیته بهردان، ئه بوسفیانئ گۆتئ: وان خوینا من یا ژ من ستاندی  
(حنظله) یی کوشتی و دقیت پیش بهردانا عه مروی پارا بدهم،  
بهیلن بلا د دهستیت واندا بیت هندی وان بقیت. عه مر ل نک  
پیغه مبهری یی گرتی بوو ل مه دینی، پیره میړه کی موسلمان چۆ  
مه که هئ عومرئ نافئ وی سه عد کورئ نوعمانی کورئ ئه کال بوو،  
برایئ بنه مالا عه مرئ کورئ عه وفی بوو، د سهر هندیړا کو  
سهر و بهرئ سیاسی یی ئالۆز بوو، ب تایبه تی پشتی بهدرئ، وی هزر  
نه کر دئ ل مه که هئ هیته گرن و زیندان کرن، چونکی قورهشیان  
سۆز دابوو ئه و که سی ناگرن ئه گهر بیته عومرئ ئان حه جئ، به لئ  
ئه بوسفیانئ کورئ حهربی ئه و پیره میړ پیش کورئ خوڤه گرت و  
کره د زیندانیه.

بنه مالا عه مرویی کورئ عه وفی چۆنه نک پیغه مبهری  و  
بابهت بو گۆت و داخواز ژئ کر عه مرویی کورئ ئه بوسفیانئ  
بده ته ف وان ببه نه مه که هئ بهردن دا ئه و ژئ سه عدئ کورئ  
نوعمانی ئه وئ پیر بهردن، و پیغه مبهر رازی بوو و کورئ  
ئه بوسوفیانئ بهردا و بهرامبه ر وی پیره میړ ژئ هاته بهردان.

سى: سەرەدەريا نەرم و رىزگرتنا وى بۆ ئەبى قوحافەي:

دەمى پىغەمبەر ﷺ سالا ھەشتى مشەختى ب لەشكەرى  
موسلمانانقە چۆيە د مەكەھىدا و گەھشتىە مزگەفتا حەرام،  
ئەبوبەكر ھات يى دەستى بابى خۆ دگريت و دئىنيتە نك  
پىغەمبەرى ﷺ دا بچىتە دەستى و موسلمان ببىت. پىغەمبەر  
خودانى رەوشتىت بلند و مەزنە، گۆت: تە پىرەمىر ھىلابا د  
خانىقە ئەز دا چمە نك وى!

ئەبوبەكرى گۆت: ئەي پىغەمبەرى خودى يا فەر و دورست ئەو  
ئەو بىتە نك تە، نە تو بچىە نك وى.

پىغەمبەرى بابى ئەبوبەكرى ئىنا بەرامبەر خۆ و گۆتى  
روينەخوار و رىز لى گرت و دەستى خۆ ب سەر سىنگى وىدا ئىنا  
خوار و گۆتى: موسلمان ببە، و موسلمان بوو و ھندى پىر ببوو  
سەرى وى ھەمى يى سىي بوو، يى كەژ بوو.

شرىعتى ئىسلامى چافدىريا پىر و دانعەمران و خۆشكرنا ژيانا  
وان ب ئەركەكى دىنى دانىت. و دقئت ياسا و دستوورىت جقاك و  
دەولەتان ژى فى ئەركى بەرچاف وەربگرن و ژ سەروكانيا فى  
رىبازى فەخون، ئەو ياسا و دستوورىن چافدىرى و مافىن  
دانعەمران بەرچاف وەرنەگرن، چو بەھايى خۆ نىنە، و جقاك ب  
ھەژار و پىرىت خۆقە سەردكەفن.

و ل دویمایی دى سەرەدەريا پىغەمبەرى ﷺ د چەند خالەكاندا  
كۆم كەين.

1. بهرپرسيا جفاكى ب تمامى - ب تايبهتى يا گهنجان - يا د ستويى  
پير و دانعهمراندا، و چافديريا دانعهمران ئهرکه ل سهر حوكمهت  
و ملهتان و ئهف ئهرکه يى بهلافه ل سهر شيانيت كهسان و كومان  
و ئالييت فهرمى و نهفهرمى.
2. چافديريهكا تمام و تهفگر بو دانعهمران، ژ ئاليى ساخلهمى و  
دروونى و عهقى و جفاكى و... هتد. و پيغهمبهرى ههمى  
بياقيت چافديريى ييت د دوو پهيقاندا كوم كرين (اكرام ذي  
الشيبه) ئانكو: ريژگرتن و جاميىرى و قهنجى دگهل ييت پير.
3. ريژل دانعهمران بيته گرتن د سهردهرييت جفاكى ييت  
روژانهدا.
4. پيش ئيخستنا پيران د ههمى جه و دهليقه ييت ريژگرتنى ييت  
گشتى وهكى: پيشنقيزيى و ئاخفتنى و خوارنى و فهخوارنى.
5. سقكرنا ئه حكامييت شهرعى ل سهر دانعهمران، و د فهتواياندا  
پيريا وان بهرچاف بيته وهرگرتن.

## نافه رۆك

- 3 ..... دەسپىك
- 6 ..... سەرەدەريا پېغەمبەرى ﷺ دگەل زارۇكان
- 8 ..... پويته پىكرنا ئىسلامى ب زارۇكىنىي
- 13 ..... ژ سەرھاتىيىت دايكان
- ..... ھندەك نموونەيىت دى ژ سەرەدەريا
- 15 ..... پېغەمبەرى ﷺ دگەل زارۇكان
- 21 ..... پېغەمبەرى ﷺ چاوا سەرەدەرى دگەل گەنجان دكر
- 33 ..... ھونەرى سەرەدەريا پېغەمبەرى ﷺ دگەل ھەفژىنىيىت خو
- 33 ..... ئارمانجىيىت ژنئىنانى
- 37 ..... سەرەدەريا ۋى دگەل ھەفژىنىيىت ۋى د مالا پېغەمبەرىدا
- 46 ..... د مالا پېغەمبەرىدا ﷺ
- 50 ..... سەرەدەريا پېغەمبەرى ﷺ دگەل ئارېشەيىت خىزانى
- 56 ..... سەرەدەريا پېغەمبەرى ﷺ دگەل ھەفالىيىت ۋى
- 60 ..... سەرەدەريا پېغەمبەرى ﷺ دگەل پىر و دانعەمران
- 71 ..... ژ نموونەيىت دلۇفانيا پېغەمبەرى ﷺ دگەل دانعەمران